

四庫全書薈要

• 乾隆御覽本

史部

欽定四庫全書薈要

史部

資治通鑑卷十七

詳校官編修臣汪鏞



資治通鑑卷十七

宋司馬光撰

胡三省音註

漢紀九

起重光赤奮若盡  
強圉協洽凡七年

世宗孝武皇帝上之上

荀悅曰諱徹之字曰通景  
帝中子也應劭曰禮謚法

威強敵  
德曰武

建元元年

自古帝王未有年號始起於此  
賁父曰封禪書云其後三年有司言元宜  
以天瑞命不宜

以一二數推所謂其後三年者  
蓋盡元狩六年至元鼎三年也  
然元鼎四年方得寶鼎又無緣  
先三年稱之以

此而言自元鼎以前之年皆有司所追命其實  
年號之起在元鼎故元封改元則始有詔書也冬十月

詔舉賢良方正直言極諫之士上親策問以古今治道

對者百餘人廣川董仲舒對曰道者所繇適於治之路

也

師古曰繇從也適往也  
治直吏翻繇古由字

仁義禮樂皆其具也故聖王

已沒而子孫長久安寧數百歲此皆禮樂教化之功也

夫人君莫不欲安存而政亂國危者甚衆所任者非其

人而所繇者非其道是以政日以仆滅也夫周道衰於

幽厲非道亡也幽厲不繇也至於宣王思昔先王之德



興滯補敝明文武之功業周道粲然復興

復扶又翻

此夙夜

不懈行善之所致也孔子曰人能弘道非道弘人

師古曰論

語載孔子之言也言明智之人則能行道內無其質非道所化

故治亂廢興在於已非

天降命不可得反其所操持詩謬失其統也

操于高翻下同

為

人君者正心以正朝廷正朝廷以正百官正百官以正

萬民正萬民以正四方四方正遠近莫敢不壹於正而

亡有邪氣奸其間者

奸音干犯也

是以陰陽調而風雨時羣

生和而萬民殖諸福之物可致之祥莫不畢至而王道

終矣孔子曰鳳鳥不至河不出圖吾已矣夫

論語載孔子之言

自悲可致此物而身卑賤不得致也

師古曰鳳鳥河圖皆王者之瑞仲尼

自歎有德無位故不至也

今陛下貴為天子富有四海居得致之位

操可致之勢又有能致之資行高而恩厚知明而意美

愛民而好士可謂誼主矣

行下孟翻知讀曰智好呼到翻

然而天地未

應而美祥莫至者何也凡以教化不立而萬民不正也

夫萬民之從利也如水之走下

走音奏

不以教化隄防之

不能止也古之王者明於此故南面而治天下

治直之翻

莫

不以教化為大務立太學以教於國設庠序以化於邑

學記曰古之教者家有塾

黨有庠遂有序國有學也

漸民以仁摩民以義

漸音沾謂浸潤

之也摩謂砥厲之也

節民以禮故其刑罰甚輕而禁不犯者教化

行而習俗美也聖王之繼亂世也掃除其迹而悉去之

去羗呂翻

復修教化而崇起之

復扶又翻

教化已明習俗已成子

孫循之

師古曰循順也順而行之

行五六百歲尚未敗也秦滅先聖

之道為苟且之治故立十四年而亡

自始皇初并天下數之至亡十四年

其遺毒餘烈至今未滅使習俗薄惡人民囂頑抵冒殊

杆熟爛如此之甚者也

文穎曰杆突也師古曰口不道忠信之言為囂心不則德義之

經為頑抵觸也冒犯也殊絕也杆拒也囂魚中翻冒如字又莫克翻

竊譬之琴瑟不調甚

者必解而更張之乃可鼓也為政而不行甚者必變而

更化之乃可理也故漢得天下以來常欲治而至今不

可善治者失之於當更化而不更化也

更工衛翻

臣聞聖王

之治天下也

自此以下係第二策

少則習之學長則材諸位

謂授之位

以試其材少詩詔翻長知兩翻

爵祿以養其德刑罰以威其惡故民曉

於禮誼而耻犯其上武王行大誼平殘賊周公作禮樂

以文之至於成康之隆囹圄空虛四十餘年

爾雅釋名囹圄也

禦也領錄囚徒禁禦也禮記正義崇精問曰獄周曰圜土殷曰羑里夏曰均臺圄圉何代之獄焦氏答曰月令

秦書則獄名也漢曰若盧魏曰司空是也此亦教化之漸而仁誼之流非獨

傷肌膚之效也

漸子廉翻

至秦則不然師申商之法

申不害商鞅也

行韓非之說憎帝王之道以貪狼為俗

師古曰狼性皆貪故謂貪者為

貪狼也

誅名而不察實

師古曰誅責也

為善者不必免而犯惡者

未必刑也是以百官皆飾虛辭而不顧實外有事君之

禮內有背上之心造偽飾詐趨利無恥

背蒲妹翻趨七喻翻

是以

刑者甚衆死者相望而姦不息俗化使然也今陛下并有天下莫不率服而功不加於百姓者殆王心未加焉曾子曰尊其所聞則高明矣行其所知則光大矣高明光大不在於他不在乎加之意而已

師古曰曾子之書也曾子曾參

願陛

下因用所聞設誠於內而致行之則三王何異哉夫不

素養士而欲求賢譬猶不琢玉而求文采也故養士之

大者莫大庠太學太學者賢士之所關也

師古曰關由也

教化

之本原也今以一郡一國之衆對亡應書者

師古曰書謂舉賢良

文學之詔書亡古無字通下同是王道往往而絕也臣願陛下興太學

置明師以養天下之士數考問以盡其材

數所角翻

則英俊

宜可得矣今之郡守縣令民之師帥所使承流而宣化

也故師帥不賢則主德不宣恩澤不流

帥所類翻

今吏既亡

教訓於下或不承用主上之灋暴虐百姓與姦為市

古師

曰言小吏有為姦欺者守令不舉乃反與交易求利也

貧窮孤弱冤苦失職甚不

稱陛下之意是以陰陽錯繆氛氣充塞

稱尺證翻塞悉則翻

羣生

寡遂黎民未濟皆長吏不明使至於此也夫長吏多出

於郎中中郎吏二千石子弟選郎吏又以富訾未必賢

也

長知兩翻  
訾讀曰資

且古所謂功者以任官稱職為差非謂積

日累久也故小材雖累日不離於小官賢材雖未久不

害為輔佐

師古曰害猶妨也  
離力智翻

是以有司竭力盡知務治其

業而以赴功

知讀曰智  
治直之翻

今則不然累日以取貴積久以

致官是以廉恥貿亂賢不肖渾殽未得其真

貿音茂渾  
戶本翻

臣愚以為使諸列侯郡守二千石各擇其吏民之賢者

歲貢各二人以給宿衛且以觀大臣之能所貢賢者有



賞所貢不肖者有罰夫如是諸吏二千石皆盡心於求

賢天下之士可得而官使也

授之以官而任使之

徧得天下之賢

人則三王之盛易為

易以政綱

而堯舜之名可及也毋以日

月為功實試賢能為上量材而授官錄德而定位

量音良師

古曰錄謂存視也

則廉耻殊路賢不肖異處矣臣聞衆少成多

積小致鉅

自此以下係第三策師古曰鉅大也

故聖人莫不以晦致明

晦古

暗字以微致顯是以堯發於諸侯舜興庠深山

師古曰堯謂從唐侯

升天子之位孟康曰舜耕於歷山

非一日而顯也蓋有漸以致之矣言

出於已不可塞也行發於身不可掩也言行治之大者

君子之所以動天地也

塞悉則翻  
行下孟翻

故盡小者大慎微者

著

師古曰能盡衆小則致高大  
能謹於微則其善著明也

積善在身猶長日加益

而人不知也

師古曰長言身形之  
修短自幼及壯也

積惡在身猶火銷膏

而人不見也此唐虞之所以得令名而桀紂之可為悼

懼者也夫樂而不亂復而不厭者謂之道

樂音洛師古  
曰復謂反覆

行之也音  
扶目翻

道者萬世亡敝敝者道之失也

師古曰言有  
敝非道由失

道故有敝亡古  
無字通下同

先王之道必有偏而不起之處故政有

眊而不行

眊莫報翻  
不明也

舉其偏者以補其敝而已矣三王

之道所祖不同非其相反將以抹溢扶衰所遭之變然

也

抹與  
救翻

故孔子曰無為而治者其舜乎改正朔易服色

以順天命而已其餘盡循堯道何更為哉

更工  
衡翻

故王者

有改制之名亡變道之實然夏尚忠殷尚敬周尚文者

所繼之抹當用此也

師古曰繼謂所受先代  
之次也抹謂救其敝也

孔子曰殷

因於夏禮所損益可知也周因於殷禮所損益可知也

其或繼周者雖百世可知也

師古曰論語載孔子之言  
謂忠敬與文因循為教立

政垂則不  
達此也

此言百王之用以此三者矣夏因於虞而獨

不言所損益者其道一而所上同也道之大原出于天

天不變道亦不變是以禹繼舜舜繼堯三聖相受而守

一道亡祿敝之政也

師古曰言政和平不須救弊也

故不言其所損益

也繇是觀之繼治世者其道同繼亂世者其道變今漢

繼大亂之後若宜少損周之文致

師古曰致至極也貢父曰致當屬下句少

詩沼

用夏之忠者夫古之天下亦今之天下共是天下

以古準今壹何不相逮之遠也安所繆蓋而陵夷若是

蓋古庚字師  
古曰安焉也

意者有所失於古之道與有所詭於天之

理與

說遠也異也與歟同

夫天亦有所分子予予之齒者去其角傅

其翼者兩其足

師古曰謂牛無上齒則有角其餘無角者則有上齒傅著也言鳥不四足分扶

問翻予讀曰與去先呂翻傳讀曰附

是所受大者不得取小也古之所予

祿者不食於力不動於末

師古曰末謂工商之業

是亦受大者不

得取小與天同意者也夫已受大又取小天不能足而

况人戽此民之所以囂囂苦不足也

囂音教囂囂衆怨愁聲也

身寵

而載高位

載乘也

家溫而食厚祿因乘富貴之資力以與

民爭利於下民安能如之哉民日削月朘

孟康曰朘音攢謂轉蹶也

蘇林曰朘音攢石俗語謂胸為朘縮師古曰孟說是也攢音宣蹶音子六翻

寢以大窮富者

奢侈羨溢

羨饒也讀與行同音弋戰翻

貧者窮急愁苦民不樂生安

能避罪此刑罰之所以蕃

樂音洛師古曰蕃多也音扶元翻

而姦邪不

可勝者也天子大夫者下民之所視效遠方之所四面

而內望也近者視而放之

師古曰放依也音甫往翻

遠者望而效之

豈可以居賢人之位而為庶人行哉

行下孟翻下同

夫皇皇求

財利常恐乏匱者庶人之意也皇皇求仁義常恐不能

化民者大夫之意也

皇皇急速也

易曰負且乘致寇至

此易解卦

六三之辭也

乘車者君子之位也負擔者小人之事也此言

居君子之位而為庶人之行者患禍必至也若居君子

之位當君子之行則舍公儀休之相魯無可為者矣

公儀

休相魯之其家見織帛怒而出其妻食於舍而茹葵愠而拔其葵曰吾已食祿而奪園夫紅女利乎舍讀曰捨言為君子者當如公儀休若廢而不遵則無可為者矣春秋大一統者天地之常

經古今之通誼也

師古曰一統者萬物之統皆歸於一也春秋公羊傳隱公元年春王正月

何言乎王正月大一統也此言諸侯皆繫統天子不得自尊也今師異道人異論百家

殊方指意不同是以上無以持一統法制數變下不知

所守

數所  
角翻

臣愚以為諸不在六藝之科孔子之術者皆

絕其道勿使並進邪辟之說滅息

辟讀  
曰僻

然後統紀可一

而法度可明民知所從矣天子善其對以仲舒為江都

相會稽莊助亦以賢良對策

漢書作嚴助蓋明帝諱  
莊避之也會王外翻

天

子擢為中大夫

按考異曰漢書武紀元光元年五月詔  
舉賢良董仲舒公孫弘出馬仲舒傳曰

仲舒對策推明孔氏抑黜百家立學校之官州縣舉茂  
材孝廉皆自仲舒發之今舉孝廉在元光元年十一月  
若對策在下五月則不得云自仲舒發之蓋武紀誤也  
然仲舒對策不知果在何時元光元年以前唯今年舉



賢良見於紀三年閏越東甌相攻莊助已為中大夫故  
皆著之於此仲舒傳又云遼東高廟長陵高園災仲舒  
推說其意主父偃竊其書奏之仲舒由是得辜按二災  
在建元六年主父偃傳上書召見在元光元年蓋仲舒  
追述二災而作書或作書不  
上而偃後來方見其草藁也丞相衛綰奏所舉賢良或

治申韓蘇張之言亂國政者請皆罷奏可董仲舒少治

春秋

治直之翻  
少詩照翻

孝景時為博士進退容止非禮不行學

者皆師尊之及為江都相事易王

江都易王非景帝子  
帝之兄也謚法好更

故舊曰  
易音亦

易王帝兄素驕好勇

好呼到  
翻下同

仲舒以禮匡正王

敬重焉

春二月赦

行三銖錢

師古曰新壞四銖錢  
造此錢也重如其文

夏六月丞相衛綰免丙寅以魏其侯竇嬰為丞相武

安侯田蚡為太尉上雅嚮儒術嬰蚡俱好儒推轂代趙

綰為御史大夫蘭陵王臧為郎中令

謂薦進賢者若推車數然主於進也

推吐雷翻轂古祿翻班志代縣屬代郡蘭陵縣屬東海郡

綰請立明堂以朝諸侯

王

之堂所以正四時出教化自秦滅先王之禮其制不存朝直遙翻下同

且薦其師申公秋

天子使使東帛加璧安車駟馬以迎申公

古者高車立乘安車坐乘

據申公傳安車以蒲裹輪孔穎達曰安車若今小車者古者乘四馬之車立乘既老故乘一馬小車坐乘也余按孔氏所謂小車乃古之大夫致事者適四方所乘私車也今加禮申公迎以駟馬安車非小車也

既至

見天子天子問治亂之事申公年八十餘對曰為治者

不在多言顧力行何如耳

治直吏翻

是時天子方好文詞見

申公對默然然已招致則以為太中大夫舍魯邸議明

堂巡狩改歷服色事

漢制郡國皆立邸於京師申公魯人故舍魯邸

是歲內

史甯成抵罪髡鉗

二年冬十月淮南王安來朝上以安屬為諸父而材高

甚尊重之

安淮南王長之子長於文帝為弟安於景帝為從弟於帝為諸父行

每宴見談

語昏暮然後罷

見賢遍翻

安雅善武安侯田蚡

雅素也

其入朝

武安侯迎之霸上與語曰上無太子王親高皇帝孫行

仁義天下莫不聞宮車一日晏駕非王尚誰立者安大

喜厚遺蚡金錢財物

遺于季翻

太皇竇太后好黃老言不

悅儒術趙綰請毋奏事東宮

漢長樂宮在東太后居之故謂之東宮亦謂之東朝

竇太后大怒曰此欲復為新垣平邪

事見十五卷文帝十六年復扶又翻

陰求得趙綰王臧姦利事以讓上上因廢明堂事諸所

興為皆廢下綰臧吏皆自殺

下還嫁翻

丞相嬰太尉蚡免申

公亦以疾免歸初景帝以太子太傅石奮及四子皆二

千石乃集其門號奮為萬石君

石姓衛大夫石碯之後師古曰集合也凡最計

也摠合其一門之計五人為二千石故號萬石君

萬石君無文學而恭謹無與

比子孫為小吏來歸謁萬石君必朝服見之不名

朝直遜翻

子孫有過失不責讓為便坐

師古曰便坐於便側之處非正室也坐祖卧翻

對

案不食然後諸子相責因長老肉袒謝罪改之乃許子

孫勝冠者在側

勝音升

雖燕居必冠其執喪哀戚甚悼子

孫遵教皆以孝謹聞乎郡國

聞音問

及趙綰王臧以文學

獲罪竇太后以為儒者文多質少

少詩沼翻

今萬石君家不

言而躬行乃以其長子建為郎中令少子慶為內史建

在上側事有可言屏人恣言極切至廷見如不能言者

謂事有當諫正者廷見謂於百官正朝畢集之時屏必却朝見賢過朝

上以是親之慶嘗

為太僕御出

為上御車而出考異曰按百官公卿表慶不為太僕蓋嘗攝職也

上問車

中幾馬慶以策數馬畢舉手曰六馬慶於諸子中最為

簡易矣

易以政翻

竇嬰田蚡既免以侯家居蚡雖不任職以

王太后故親幸數言事多效

謂言事多見聽用數所角翻

士吏趨勢

利者

越七喻翻

皆去嬰而歸蚡蚡日益橫

為嬰蚡交怨張本橫戶孟翻

春二月丙戌朔日有食之 三月乙未以太常相至侯

許昌為丞相

昌高祖功臣許益之孫相至地關

初堂邑侯陳午尚帝

姑館陶公主嫖帝之為太子公主有力焉

班志堂邑縣屬臨淮郡陳

午高祖功臣陳嬰之孫館陶縣屬魏郡公主援上為太子事見上卷景帝前七年

以其女為太

子妃及即位妃為皇后竇太主恃功求請無厭

厭於上

患之皇后驕妬擅寵而無子與醫錢凡九千萬欲以求

子然卒無之

卒子恤翻

后寵浸衰皇太后謂上曰汝新即位

大臣未服先為明堂太皇太后已怒今又忤長主

忤五故翻

長知兩翻

必重得罪

重直用翻

婦人性易悅耳

易以政翻

宜深慎之上

乃於長主皇后復稍加恩禮

復扶又翻

上祓霸上

孟康曰祓除也於霸

水上自祓除今之上已祓禱也祓音廢又音拂

還過上姊平陽公主

班志平陽縣屬河東

郡公主景帝女降平陽侯曹壽

悅謳者衛子夫

師古曰齊歌曰謳一侯翻

子夫母衛

媼平陽公主家僮也

師古曰僮者婢妾之總稱媼者年老之號非當時所呼也衛者舉夫

家姓媼烏皓翻

主因奉送子夫乃入宮恩寵日隆陳皇后聞之

恚幾死者數矣

恚於避翻恚怒也幾居衣翻數所角翻

上愈怒子夫同母

弟衛青其父鄭季本平陽縣吏給事侯家

師古曰縣達於侯家供事



也與衛媼私通而生青冒姓衛氏

冒姓者青本鄭氏子而冒衛姓也

青

長為戾家騎奴大長公主執囚青

大長公主即館陶公主也長知兩翻騎奇

寄翻下同

欲殺之其友騎郎公孫敖與壯士篡取之

郎之騎從者郎

中有車戶騎三

將逆取曰篡

上聞乃召青為建章監侍中

建章宮監據史太初

元年起建章宮蓋因舊宮而大起也青時為建章監而兼侍中

賞賜數日間累千金既

而以子夫為夫人青為太中大夫

夏四月有星如日

夜出初置茂陵邑

班志茂陵邑屬扶風黃圖曰本槐里之茂鄉武帝起茂陵邑在長安西

北八十里

時大臣議者多寃鼂錯之策

鼂錯事見上卷景帝前三年

務

推抑諸侯王數奏暴其過惡吹毛求疵

謂暴露其過惡數所角翻疵才

斯翻病也瑕也

答服其臣使證其君諸侯王莫不悲怨

三年冬十月代王登長沙王發中山王勝濟川王明來

朝

代王登王參之子文帝之孫長沙中山王皆景帝子濟川王梁孝王之子濟子禮翻

上置酒勝

聞樂聲而泣上問其故對曰悲者不可為累歎思者不

可為歎息

累重也歎歎歎也悲思之積於心聞歎歎今之聲則其悲思益甚累力發翻歎許既翻

臣心結日久每聞幼眇之聲

幼一笑翻眇音妙精微也

不知涕泣之

橫集也臣得蒙肺附為東藩屬又稱兄

肺附一作肺腑史記正義曰顏

師古曰舊解云肺附如肝肺之相附著也一說肺碎木札也喻其輕薄附著大材按顏此說並是疎繆又改肺為附就其義重疎繆矣八十一難云寸口者脉之大會手太陰之動脉也呂廣云太陰肺之脉也肺為諸藏之主通陰陽故十二經脉皆會于太陰所以決吉凶者十二經有病皆于寸口知其何經之動浮沉瀉滑春秋逆順知其死生顧野王曰肺腑腹心也余謂史若從肺附則顏說為是若從肺腑則依正義勝王中山在關東故曰東藩以親屬言則勝於帝兄也泣亦淚也

今羣臣非有葭莩之親鴻毛之

重

張晏曰葭蘆葉也莩葉裏白皮皆取喻於輕薄也師古曰葭蘆也莩者其莖中白皮至薄者也葭莩喻著

鴻毛喻輕薄甚莩音孚

羣居黨議朋友相為使夫宗室擯卻

擯卻斥退

也擯必必翻卻丘畧翻

骨肉冰釋臣竊傷之具以吏所侵聞於是

上乃厚諸侯之禮省有司所奏諸侯事加親親之恩焉

省悉并翻

河水溢于平原

平原本齊地高祖置郡禹疏九河皆在平原勃海郡界

大饑人相食 秋七月有星孛于西北

字蒲內翻

濟川王

明坐殺中傅

濟川王明梁孝王子應劭曰中傅宦者也漢諸王國有太傅秩二千石掌傳王以德

義中傅出入王宮在王左右亦主傳教導王梁王傳作中尉此從帝紀

廢遷房陵

班志房陵縣屬

漢中郡

七國之敗也

事見上卷景帝前三年

吳王子駒亡走閩越

怨東甌殺其父常勸閩越擊東甌閩粵從之發兵圍東

甌東甌使人告急天子天子問田蚡蚡對曰越人相攻

擊固其常又數反覆

數所角  
翻下同

自秦時棄不屬

不屬不  
臣屬也

足以煩中國往救也莊助曰

莊姓也戰國時楚  
有莊周趙有莊豹

特患力

不能救德不能覆

覆救  
又翻

誠能何故棄之且秦舉咸陽而

棄之

師古曰舉搃也言總天  
下乃至京師皆棄之

何但越也今小國以窮困

來告急天子不救尚安所懇又何以子萬國乎上曰太

尉不足與計

考異曰史記東越漢書嚴助傳皆云建  
元三年閭越圍東甌天子問太尉田蚡按

是時蚡不為太尉云太尉誤也下云太  
尉不足與計蓋追呼其官或亦誤耳

吾新即位不欲

出虎符發兵郡國乃遣助以節發兵會稽

會稽東  
南邊越

會稽

守欲距灋不為發

以法距之為無漢虎符驗會工外翻守式又翻為于偽翻

助乃斬

一司馬諭意旨

謂曉諭以天子不欲出虎符之意

遂發兵浮海救東甌

未至閩越引兵罷東甌請舉國內徙乃悉舉其衆來處

於江淮之間

處昌呂翻

九月丙子晦日有食之

上自初

即位招選天下文學材智之士待以不次之位

師古曰不拘常

次言起擢之

四方士多上書言得失自眩鬻者以千數

漢書作街

行賣也鬻亦賣也街與眩同音州縣之縣又工縣翻鬻音育

上簡拔其俊異者寵用

之莊助最先進後又得吳人朱買臣趙人吾丘壽王

姓諧

吾音虞即虞丘氏史記有楚相虞丘子

蜀人司馬相如平原東方朔

風俗通曰

伏羲之後帝出乎震主東方子孫為東方氏

吳人枚臯濟南終軍等

姓譜枚姓出於

周官銜枚氏其後以官為姓風俗通六國有賢人枚被終姓出於顓頊裔孫陸終濟子禮翻

並在左

右每令與大臣辨論中外相應以義理之文大臣數屈

焉然相如特以辭賦得幸朔臯不根持論好詼諧

言其議論

無所根據好呼到翻詠古回翻李奇曰詠朝也

上以俳優畜之師古曰俳雜戲也優調戲也左

傳曰少相狎長相優俳優即今伶人調戲者

雖數賞賜終不任以事也

數所角翻

朔亦觀上顏色時時直諫有所補益是歲上始為微行

北至池陽西至黃山

班志池陽縣屬馮翊黃山宮名在扶風槐里縣

南獵長楊

東游宜春

長楊宮名水經注云槐里縣東有漏水出南山赤谷東北逕長楊宮宮有長楊因名其地

在盤屋界師古曰宜春宮也在長安東南說者乃以為在郭非也在郭者自是宜春觀在長安城西非東游也

與左右能騎射者期諸殿門

期門之號始此

常以夜出自稱平

陽侯

平陽侯曹壽尚帝姊見尊寵故稱之

旦明入南山下射鹿豕狐兔

終南

山橫亘關中南面西起秦隴東徹藍田凡雍岐郡郭長安萬年相去且八百里而連綿峙據其南者皆此一山

也射而亦翻

馳驚禾稼之地民皆號呼罵詈

號戶高翻

郭杜令欲

執之

班志郭縣屬扶風杜縣屬京兆宣帝更為杜陵郭音戶

示以乘輿物乃得免



乘繩

又嘗夜至栢谷

水經河水遶湖縣故城北又東合栢谷水經注云水出弘農縣西石

隄山北遶栢谷亭下即帝微行處

投逆旅宿就逆旅主人求漿主人翁

曰無漿正有溺耳

溺奴吊翻

且疑上為姦盜聚少年欲攻之

主人嫗睹上狀貌而異之

嫗戚遇翻

止其翁曰客非常人也

且又有備不可圖也翁不聽嫗飲翁以酒醉而縛之

飲於

禁翻少年皆散走嫗乃殺雞為食以謝客明日上歸召嫗

賜金千斤拜其夫為羽林郎

羽林郎屬郎中令師古曰羽林宿衛之官言如羽之

疾如林之多也一說曰羽所以為王者羽翼

後乃私置更衣從宣曲以南十

二所夜投宿長楊五柞等諸宮

師古曰為休息更衣之處宣曲宮名在昆明池

西五柞宮名水經注在盤屋縣長楊宮東北更工衡翻柞昨作二音

上以道遠勞苦又為

百姓所患乃使太中大夫吾丘壽王舉籍阿城以南盤

屋以東宜春以西提封頃畝及其賈直

師古曰舉計其數以為簿籍也

阿城本秦阿房宮以其牆壁崇廣故俗呼為阿城盤屋屬扶風山曲曰盤水曲曰屋杜佑曰盤屋唐為宜春縣提封亦謂提舉四封之內總計其大數也盤音翰屋音室賈讀曰價欲除以為上林苑屬

之南山又詔中尉左右內史

師古曰時未為京兆扶風馮翊故云中尉及左右內

史也子據班表帝後改右內史為京兆尹左內史為左馮翊主爵都尉為右扶風是為三輔屬之欲翻表

屬縣草田

草田荒田之  
未耕墾者

欲以償鄠杜之民壽王奏事上

大說稱善

說諸  
曰悅

時東方朔在傍進諫曰夫南山天下之

阻也漢興去三河之地

河南河內河東為三河漢高帝  
始居洛陽後西都關中是去三

河之  
地也

止霸漣以西都涇渭之南此所謂天下陸海之地

霸水出藍田縣藍田谷漣水亦出藍田谷逕藍田川北  
出霸陵入霸水霸又北入于渭涇水注見六卷渭水出  
隴西首陽縣西南鳥鼠同穴山東流與霸水涇水合又  
東至船司空入河陸海師古曰高平曰陸關中地高故  
稱之耳海者萬物所出言關中  
陸產饒富是以謂之陸海也

秦之所以虜西戎兼山

東者也其山出玉石金銀銅鐵良材百工所取給萬民

所印足也

印古仰字通  
用音牛向翻

又有秔稻黎粟桑麻竹箭之饒

土宜薑芋水多蠅魚

芋即蹲鴟也其葉似藕荷而長不  
圓其根大者為芋魁其小者附麗

甚衆白臍可食蠅與蛙同  
師古曰似蝦蟆而小長脚

貧者得以人給家足無饑寒

之憂故鄠鎬之間號為土膏

周文王都鄠武王都鎬水  
經渭水東過槐里縣故城

南東合甘水又東豐水從南來注之又東北與鎬水合  
班志豐水出鄠縣東南鎬水上承鎬池水於昆明池北  
皆在上  
林苑中其賈晦一金賈與  
價同今規以為苑絕陂池水澤之

利而取民膏腴之地上乏國家之用下奪農桑之業是

其不可一也盛荆棘之林廣狐菟之苑

菟古兔  
字通用

大虎狼

之虛壞人塚墓

虛讀曰墟  
壞音怪

發人室廬令幼弱懷土而思

耆老泣涕而悲是其不可二也

賀瑒曰耆至也  
至老之境也

斥而營

之垣而圍之騎馳東西車驚南北

師古曰亂  
馳曰驚

有深溝大

渠夫一日之樂不足以危無隄之興

蘇林曰隄限也興  
乘興也無限若言

不營也不敢斥天子故曰興也張晏曰一日之樂謂田  
獵也無隄之興謂天子富貴無限貢父曰不足以危  
不字當作亦隄亦防也言車輿馳騁  
不為防慮必有顛覆之變樂音洛

是其不可三也夫

殷作九市之宮而諸侯辟

應劭曰紂於  
宮中設九市

靈王起章華之

臺而楚民散

師古曰楚靈王作章華之臺納亡人以實  
之卒有乾谿之禍也章華臺在華容城也

秦興阿房之殿而天下亂糞土愚臣逆盛意罪當萬死

上乃拜朔為太中大夫給事中

百官表給事中加官師古曰漢官解詁云掌侍

從左右無員常侍中續漢志給事中開通內外蓋以給事禁中名官也

賜黃金百斤然遂

起上林苑如壽王所奏上又好自擊熊豕

說文熊似豕山居冬蟄春

出詩疏熊能攀緣上樹見人則顛倒投地而下豕謂野豕也生一歲為豨二歲為豻二獸皆能突人

馳逐

野獸司馬相如上疏諫曰臣聞物有同類而殊能者故

力稱烏獲捷言慶忌勇期賁育

烏獲秦武王力士也慶忌吳王僚之子射能捷

矢也孟賁古之勇士水行不避蛟龍陸行不避豺狼發怒吐氣聲響動天夏育亦猛士也賁音奔

臣之

愚竊以為人誠有之獸亦宜然今陛下好陵阻險射猛

獸卒然遇逸材之獸駭不存之地

師古曰不存不可得安存也貢父曰不存

猶言不虞下文云存變之意射而亦翻卒讀曰猝

犯屬車之清塵

屬車註見十三卷師古曰

屬者言聯屬不絕也塵謂行而起塵也言清者尊貴之意也說者乃以清塵為清道灑塵非也

興不及

還轅人不暇施巧雖有烏獲逢蒙之技

逢蒙古之善射者也孟子曰逢

蒙學射於羿逢皮江翻

不得用

宜承上文為句

枯木朽株盡為難矣是胡

越起於轂下而羌夷接軫也

軫後車橫木也

豈不殆哉雖萬全

而無患然本非天子之所宜近也

近其新翻

且夫清道而後

行中路而馳猶時有街厯之變

張揖曰街馬勒街也厯  
騑馬口長街也師古曰

厯謂車之鈞心也街厯之變言馬街或斷  
鈞心或出則致傾敗以傷人也厯距月朔

况乎涉豐草

豐草茂  
草也

騁丘墟前有利獸之樂

虛讀曰墟樂  
音洛下同

而內無存

變之意其為害也不難矣夫輕萬乘之重不以為安樂

出萬有一危之塗以為娛臣竊為陛下不取

偽于  
翻

蓋明

者遠見於未萌

師古曰萌謂事始  
若草木初生者也

而知者避危於無形

知讀  
曰智

既固多藏於隱微而發於人之所忽者也故鄙諺

曰家累千金坐不垂堂

張揖曰畏欄瓦墮中人也師古  
曰垂堂者近堂邊外自恐墜墮



耳非畏禍也言富人之子則自愛深矣此言雖小可以諭大上善之

考異曰

此多非今年事因莊助激東甌及撒行始出終言之

四年夏有風赤如血 六月旱 秋九月有星孛于東

北 李蒲  
內翻

是歲南越王佗死

佗徒河翻

其孫文王胡立

五年春罷三銖錢行半兩錢

建元元年行三銖錢至是而罷又新鑄半兩錢

置五經博士 夏五月大蝗 秋八月廣川惠王越清

河哀王乘皆薨無後國除

二王皆景帝子越中二年四月受封乘中三年三月受封

至是  
國除

六年春二月乙未遼東高廟災

景帝令郡國各立高祖廟故遼東有高廟

夏四月壬子高園便殿火上素服五日

師古曰凡言便殿便室便坐者

皆非正大之處所以就便安也園者於陵上作之既有正寢以象平生又立便殿為休息閑宴之處耳便如字沈約曰漢氏諸陵皆有園寢承秦所為也說者以為古前廟後寢以象人主前有朝後有寢也廟以藏主四時祭祀寢有衣冠象生之具以薦新秦始出寢起於墓側漢因不改及魏武帝葬高陵有司依漢立陵上祭殿文帝以為古不墓祭皆設於廟高陵上殿屋皆毀壞車馬還廐衣服藏府文帝自作終制又曰壽陵無立寢殿造園邑自是至今陵寢遂絕

五月丁亥太皇太后崩

孝文皇后竇氏也

六

月癸巳丞相昌免

許昌也

武安侯田蚡為丞相蚡驕侈治

宅甲諸第田園極膏腴

師古曰甲諸第者言為諸第之最也以甲乙之次言甲則為上

矣膏腴謂肥厚之處治直之翻

市買郡縣物相屬於道多受四方賂遺

其家金玉婦女狗馬聲樂玩好不可勝數

屬之欲翻遺于季翻好呼

到翻勝音升

每入奏事坐語移日所言皆聽薦人或起家至

二千石權移主上上乃曰君除吏已盡未吾亦欲除吏

嘗請考工地益宅

考工少府之屬官也主作器械

上怒曰君何不遂取

武庫是後乃稍退

秋八月有星孛于東方長竟天

孛

內翻閩越王郢興兵擊南越邊邑南越王守天子約不

敢擅興兵使人上書告天子於是天子多南越義大為

發兵

為于偽翻下同

遣大行王恢出豫章大農令韓安國出會

稽

大農令本秦之治粟內史也漢初因之景帝中六年更名大農令帝太初元年更名大司農

擊閩

越淮南王安上書諫曰陛下臨天下布德施惠天下攝

然

孟康曰攝安也奴協翻

人安其生自以沒身不見兵革今聞有

司舉兵將以誅越臣安竊為陛下重之

師古曰重難也

越方外

之地薊髮文身之民也

晉灼曰淮南之越又薊髮張揖以為古剪字師古曰薊與剪同

張說是也應劭曰越人常在水中故斷其髮文其身以象龍子故不見傷害

不可以冠帶之

國法度理也自三代之盛胡越不與受正朔

與諸曰預

非彊

勿能服威弗能制也以為不居之地不牧之民不足以

煩中國也

師古曰地不可居而民不可牧養也

自漢初定以來七十二年

越人相攻擊者不可勝數

勝音升

然天子未嘗舉兵而入

其地也臣聞越非有城郭邑里也處谿谷之間篁竹之

中

處昌呂翻服虔曰竹叢曰篁師古曰竹田曰篁音皇

習於水鬪便於用舟地深

昧而多水險

昧暗也言多草木也

中國之人不知其執阻而入其

地雖百不當其一得其地不可郡縣也攻之不可暴取

也以地圖察其山川要塞相去不過寸數而間獨數百

千里

師古曰間中間也或八九百里或千里也

險阻林叢弗能盡著

師古曰不能盡

載于地圖也

視之若易行之甚難天下賴宗廟之靈方

內大寧戴白之老

師古曰言白髮在首

不見兵革民得夫婦相守

父子相保陛下之德也越人名為藩臣貢酎之奉不輸

大內

貢者以土產之物來貢也酎者三重醪醑酒也味厚故以薦宗廟也漢制於正月旦作酒八月成曰

酎酎之言純也八月嘗酎於太廟諸侯王各出金助祭所謂酎金也大內都內也國之寶藏班表治粟屬官有都內令丞言越國僻遠既不輸土貢又不輸酎金於中國得其地無益也酎直又翻

一卒之奉不

給上事

給供也

自相攻擊而陛下發兵救之是反以中國

而勞蠻夷也

師古曰疲勞中國之人于蠻夷之地

且越人愚戇輕薄

戇陟降翻

負約反覆其不用天子之法度非一日之積也

師古曰積久也

壹不奉詔舉兵誅之臣恐後兵革無時得息也間者數

年歲比不登民待賣爵贅子以接衣食

比毗至翻如淳曰淮南俗賣子

與人作奴婢名曰贅子三年不能贖遂為奴婢師古

曰贅質也一說云贅子者謂令子出就婦家為贅壻

陛下德澤振救之得毋轉死溝壑四年不登五年復蝗

民生未復

年復扶又翻未復如字

今發兵行數千里資衣糧

師古曰資

猶齋也

入越地輿轎而隄領挖舟而入水

轎竹輿車江南人又謂之藍輿

領山嶺也不通舟車故用肩輿以行轎旗妙翻挖音它曳也

行數百千里夾以深林

叢竹水道上下擊石

謂水道多巨石船行上下皆與石相擊觸也

林中多蝮

蛇猛獸

應劭曰蝮蛇一名虺蠆螫也螫人手足則割去其肉不然則死師古曰爾雅及說文皆以爲蝮

即虺也博三寸首大如臂而郭璞曰各自一種蛇其蝮蛇大頭細頸魚尾色如綬文文間有毛似猪鬃鼻上有

針大者七八尺一名反鼻非虺之類也以今俗名證之郭說得矣虺若土色所在有之俗呼土虺其蝮惟出南

方蝮數夏月暑時歐泄霍亂之病相隨屬也

歐吐也泄利也師古

曰泄以制翻屬之欲翻

曾未施兵接刃死傷者必衆矣前時南海



王反陛下先臣使將軍間忌將兵擊之

文穎曰先臣淮南厲王長也間

忌人姓名也師古曰淮南王傳作簡忌此本作間傳寫字誤省耳左傳有魯大夫簡叔

以其軍降

處之上淦

班志豫章郡有新淦縣應劭註云淦水所出上淦蓋淦水之上流也降戶江翻處昌呂翻

淦音紺又工含翻

後復反會天暑多雨樓船卒水居擊棹

師古曰言

常居舟中水上而又有擊棹行舟之役故多死也復扶又翻

未戰而疾死者過半親

老涕泣孤子啼號

號戶高翻

破家散業迎尸千里之外裹骸

骨而歸悲哀之氣數年不息長老至今以為記曾未入

其地而禍已至此矣

曾才登翻

陛下德配天地明象日月恩

至禽獸澤及草木一人有饑寒不終其天年而死者為

之悽愴於心今方內無狗吠之警而使陛下甲卒死亡

暴露中原霑漬山谷邊境之民為之早閉晏開

師古曰晏晚也

言有兵難故邊城早閉而晚開也為于偽翻下同

朝不及夕

師古曰言憂危亡不自保也

臣

安竊為陛下重之不習南方地形者多以越為人眾兵

彊能難邊城

服虔曰為邊城作難也難乃旦翻

淮南全國之時多為邊

吏

師古曰全國謂未分為三之時也淮南人於邊為吏與越接壤故知其地形也

臣竊聞之與

中國異

師古曰言其風土不同

限以高山人迹絕車道不通天地

所以隔外內也其入中國必下領水領水之山峭峻漂

石破舟

領水即贛水也班志所謂彭水出豫章南壘縣東入湖漢水庾仲初所謂大庾橋水北入豫章

注於江者是也漂石破舟言三百里贛石

不可以大船載食糧下也越人欲

為變必先由餘干界中

班志豫章郡有餘干縣應劭曰汗音干今饒州餘干縣漢古縣

名也積食糧乃入伐材治船

治直之翻

邊城守候誠謹越人有

入伐材者輒收捕焚其積聚

積子賜翻聚慈諭翻

雖百越奈邊城

何且越人縣力薄材

師古曰縣弱也言其柔弱如縣

不能陸戰又無車

騎弓弩之用然而不可入者以保地險而中國之人不

耐其水土也臣聞越甲卒不下數十萬所以入之五倍

乃足

師古曰不下言不減也漢軍多之五倍然後可入其地也

輓車奉餉者不在其

中

師古曰輓音晚引車也

南方暑濕近夏瘴熱

近其新翻師古曰瘴黃病也丁幹翻

暴露水居蝮蛇蠱生

師古曰蠱毒也音空

疾疢多作

疾丑刃翻病也

兵未

血刃而病死者什二三雖舉越國而虜之不足以償所

亡

師古曰舉謂摠取也

臣聞道路言閩越王弟甲弑而殺之甲以

誅死

甲者閩越王弟之名

其民未有所屬陛下若欲來內處之中

國

處昌呂翻

使重臣臨存

師古曰存謂省問之

施德垂賞以招致之此

必攜幼扶老以歸聖德若陛下無所用之則繼其絕世

存其亡國建其王侯以為畜越

李奇曰如人畜養六畜也師古曰直謂畜養之

耳非六畜也書許六綱

此必委質為藩臣世共貢職

共讀曰供

陛下以

方寸之印丈二之組填撫方外不勞一卒不煩一戰

師古

曰煩瑣也讀曰鈍

而威德並行今以兵入其地此必震恐以有

司為欲屠滅之也必雉兔逃入山林險阻

師古曰如雉兔之逃竄而

入山林險阻之中

背而去之則復相羣聚留而守之歷歲經年

則士卒罷勸

背蒲妹翻罷讀曰疲勸即倦字

食糧乏絕民苦兵事盜賊

必起臣聞長老言秦之時嘗使尉屠睢擊越

張晏曰郡都尉姓屠

名睢晉有屠岸賈屠翽睢音雖

又使監祿鑿渠通道

張晏曰監郡御史也名祿案秦郡置

守尉

越人逃入深山林叢不可得攻留軍屯守空地曠

日引久士卒勞勸越出擊之秦兵大敗乃發適戍以備

之

通讀

當此之時外內騷動皆不聊生亡逃相從羣為

盜賊於是山東之難始興

難乃旦翻

兵者凶事一方有急四

面皆聳臣恐變故之生姦邪之作由此始也臣聞天子

之兵有征而無戰言莫敢校也

師古曰校計也不敢與計強弱曲直

如使

越人蒙微幸以逆執事之顏行

微工亮翻文穎曰顏行猶屬行在前行故曰顏

也行戶剛翻

廝興之卒有一不備而歸者

張晏曰廝微興衆也師古曰廝析薪

者與主駕車者皆言賤役之人也

雖得越王之首臣猶竊為大漢羞之

偽翻

陛下以四海為境生民之屬皆為臣妾垂德惠以

覆露之

覆謂蓋幘也露謂使之霑潤澤也覆敷又翻

使安生樂業則澤被萬

世

樂音洛被皮義翻

傳之子孫施之無窮天下之安猶泰山而

四維之也

師古曰維謂聯繫之

夷狄之地何足以為一日之間

如淳

曰得其地不足為一日閒暇之娛也

而煩汗馬之勞乎詩云王猶允塞徐

方既來

師古曰大雅常武之詩也允信也塞滿也言王道信充滿於天下則徐方淮夷盡來服也塞悉

則言王道甚大而遠方懷之也臣安竊恐將吏之以十

萬之師為一使之任也

師古曰言漢發一使鎮撫之則越人賓服不煩兵往使疏吏翻

是時漢兵遂出未諭領

諭與踰同領與嶺同

閩越王郢發兵距險

其弟餘善乃與相宗族謀曰

相閩越國相也音息亮翻

王以擅發兵

擊南越不請故天子兵來誅漢兵衆彊即幸勝之後來

益多

師古曰言漢地廣大兵衆盛彊今雖勝之後必復來也

終滅國而止今殺王

以謝天子天子聽罷兵固國完不聽乃力戰不勝即亡



入海皆曰善即鏖殺郢王

鏖初江翻短矛也

使使奉其頭致大

行大行曰所為來者誅王

為于偽翻下同

今王頭至謝罪不戰

而殞利莫大焉乃以便宜案兵告大農軍而使使奉王

頭馳報天子詔罷兩將兵

將即亮翻

曰郢等首惡獨無諸孫

繇君丑不與謀焉

張晏曰繇邑號也師古曰繇音拙與讀曰預

乃使中郎將

立丑為越繇王奉閩越先祭祀餘善已殺郢威行於國

國民多屬竊自立為王繇王不能制上聞之為餘善不

足復興師曰餘善數與郢謀亂

復扶又翻數所角翻

而後首誅郢

師得不勞因立餘善為東越王與繇王並處

處昌呂翻

上使

莊助諭意南越南越王胡頓首曰天子乃為臣興兵討

閩越死無以報德遣太子嬰齊入宿衛謂助曰國新被

寇

被皮義翻

使者行矣胡方日夜裝入見天子

見賢通翻下同

助還

過淮南上又使助諭淮南王安以討越事嘉答其意安

謝不及助既去南越南越大臣皆諫其王曰漢興兵誅

郢亦行以驚動南越且先王昔言事天子期無失禮要

之不可以說好語入見

言不可喜漢使好語而入朝也說讀曰悅

則不得復

歸亡國之勢也於是胡稱病竟不入見 是歲韓安國

為御史大夫 東海太守濮陽汲黯為主爵都尉按汲黯傳

其先有寵於衛君至黯十世世為卿大夫蓋食采於汲因以為氏班表主爵中尉秦官掌列侯景帝中六年更名都尉武帝太初元年更名右扶風治內史右地濮博木翽始黯為謁者以嚴見憚

東越相攻上使黯往視之不至至吳而還報曰越人相攻固其俗然不足以辱天子之使河內失火延燒千餘

家上使黯往視之還報曰家人失火屋比延燒師古曰家人猶

言庶人家也比近也言屋相近故連延而燒也比類察翻不足憂也臣過河南河南

貧人傷水旱萬餘家或父子相食臣謹以便宜持節發

河南倉粟以振貧民臣請歸節伏矯制之罪

師古曰矯託也託言

奉制詔而行之也漢律矯制者論棄市罪

上賢而釋之其在東海治官理民

好清靜擇丞史任之

如淳曰擇丞及史任之也漢律太守都尉諸侯內史史各一人卒史

書佐各十人余據漢制郡守之屬有丞有諸曹掾史好呼到翻

責大指而已不苛小黠

多病卧閨閣內不出歲餘東海大治稱之

治直吏翻下同

上聞

召為主爵都尉列於九卿

漢太常郎中令中大夫令太僕大理大行令宗正大司農

少府為正九卿中尉主爵都尉內史列于九卿

其治務在無為引大體不拘文

法黠為人性倨少禮

師古曰倨簡傲也少詩詔翻

面折不能容人之

過

折之舌翻

時天子方招文學儒者上曰吾欲云云

張晏曰所言欲

施仁義

也師古曰云云猶言如此如此也史畧其辭耳

黠對曰陛下內多欲而外

施仁義奈何欲效唐虞之治乎上默然怒變色而罷朝

公卿皆為黠懼上退謂左右曰甚矣汲黯之戇也羣臣

或數黠

師古曰數責也音所具翻

黯曰天子置公卿輔弼之臣寧令

從諛承意陷主於不義乎且已在其位縱愛身奈辱朝

廷何黠多病病且滿三月上常賜告者數

數所角翻

終不愈

最後病莊助為請告

偽翻 為于

上曰汲黯何如人哉助曰使

黯任職居官無以踰人然至其輔少主守城深堅招之

不來麾之不去雖自謂賁育亦不能奪之矣

賁音奔

上曰

然古有社稷之臣至如黯近之矣

近其新翻

匈奴來請和

親天子下其議

下退媒翻

大行王恢燕人也習胡事議曰漢

與匈奴和親率不過數歲即復倍約

倍蒲妹翻

不如勿許與

兵擊之韓安國曰匈奴遷徙鳥舉難得而制

言其輕疾逐水草遷

徙若鳥之舉也

自上古不屬為人

不以人類待之

今漢行數千里與之

爭利則人馬罷乏

罷讀曰疲

虜以全制其敝此危道也不如

和親羣臣議者多附安國於是上許和親

元光元年冬十一月初令郡國舉孝廉各一人

師古曰孝謂善

事父母者廉謂清康有廉隅者也

從董仲舒之言也

衛尉李廣為驍

騎將軍屯雲中

周末置左右前後將軍秦漢因之位上卿至武帝置驍騎車騎等將軍後來名

號浸多不可勝紀謂之雜號將軍盤洲洪氏曰西漢雜號將軍掌征伐背叛事訖則罷不常置也驍堅亮翻

中尉程不識為車騎將軍

姓譜程本自顓頊重黎之後周宣王時程伯休父入為大

司馬封於程者以為氏與司馬氏同出

屯鴈門六月罷廣與程不識俱以

邊太守將兵有名當時廣行無部伍行陳

部者軍行各有分部伍者

五人為伍也部有校尉伍有伍長行戶剛翻陳讀曰陣

就善水草舍止人人自便

不擊刀斗以自衛

孟康曰刀斗以銅作鐃受一斗畫坎飲食夜擊持行故名曰刀斗蘇林曰

形如銅無緣苟悅曰刀斗小鈴如宮中傳夜鈴也索隱曰銅即鈴也埤蒼云鐃溫器有柄斗似鐃無緣師古曰

鐃音鐃銅火元翻銅即鐃也鐃音鐃緣去聲

莫府省約文書然亦遠斥候

淮南

子曰斥度也候視也望也

未嘗遇害程不識正部曲行伍營陳擊刀

斗士吏治軍簿

師古曰簿文簿治直之翻下言治同

至明軍不得休息然

亦未嘗遇害不識曰李廣軍極簡易

易以疏翻

然虜卒犯之



無以禁也

卒讀曰猝

而其士卒亦佚樂咸樂為之死

樂音洛下同

我軍雖煩擾然虜亦不得犯我然匈奴畏李廣之畧士

卒亦多樂從李廣而苦程不識

師古曰苦謂厭苦之也

臣光曰易曰師出以律否臧凶

否音鄙易師卦初六文辭王弼注曰齊衆

以律失律則散故師出以律律不可失失律而臧何異於否失令有功法所不赦故師出不以律否臧皆凶

言治衆而不用法無不凶也李廣之將使人人自便

以廣之材如此焉可也然不可以為法何則其繼者難也況與之並時而為將乎夫小人之情樂於安肆

而昧於近禍彼既以程不識為煩擾而樂於從廣且將仇其上而不服然則簡易之害非徒廣軍無以禁虜之倉卒而已也故曰兵事以嚴終為將者亦嚴而已矣然則倣程不識雖無功猶不敗倣李廣鮮不覆

亡哉

鮮息  
淺翻

夏四月赦天下 五月詔舉賢良文學上親策之 秋七月癸未日有食之

資治通鑑卷十七

資治通鑑卷十八

宋 司馬光 撰

胡三省 音註

漢紀十

起著雍涇澠盡柔兆執徐凡九年

世宗孝武皇帝上之下

元光二年冬十月上行幸雍祠五時

雍於用翻時音止

李少

君以祠竈却老方見上

祠竈者祭竈以致鬼物化丹砂以為黃金以為飲食器可以延

年方士之言云爾少詩照翻

上尊之少君者故深澤侯舍人

高祖功臣有深

澤侯趙將夕景帝三年孫修嗣侯七年有罪耐為匿其司寇少君當是為修舍人班志涿郡有南深澤縣

年及其生長

謂其生時及長時所居止處也長知兩翻

其游以方徧諸侯無

妻子人聞其能使物及不死

如淳曰物謂鬼物也

更饋遺之

更工衡翻

遺于李翻

常餘金錢衣食人皆以為不治生業而饒給又不

知其何所人愈信爭事之

治直之翻

少君善為巧發奇中

如淳

日時時發言有所中中竹仲翻

嘗從武安侯飲

田蚡封武安侯

坐中有九十餘

老人

坐祖卧翻下同

少君乃言與其大父游射處老人為兒時

從其大父識其處

師古曰識記也式志翻

一坐盡驚少君言上曰

祠竈則致物致物而丹砂可化為黃金壽可益蓬萊仙

者可見見之以封禪則不死黃帝是也臣嘗游海上見

安期生

列仙傳安期生琅邪人賣藥東海邊時人皆言千歲

食臣棗大如瓜

食祥吏翻

安期生仙者通蓬萊中合則見人不合則隱於是天子

始親祠竈遣方士入海求蓬萊安期生之屬而事化丹

砂諸藥齊為黃金矣

藥之分齊齊才計翻

居久之李少君病死天

子以為化去不死而海上燕齊怪迂之方士多更來言

神仙事矣

更工衡翻

亳人謬忌奏祠太一

如淳曰亳亦薄也晉灼曰亳縣屬濟

陰郡予據班志亳屬山陽郡亳作薄謬姓也音靡幼翻  
與繆同戰國時趙有宦者令繆賢太一者天之尊神天  
文志中宮天極星其一明者太一常居也淮南子太微  
者太一之庭紫宮者太一之居索隱曰樂汁圖微云天  
宮紫微北極天一太一宋均云天一太一北極神之別  
名春秋佐助期云紫宮天皇耀魄寶之所理也石氏云  
天一太一各一星在紫宮  
門外立祿事天皇大帝 方曰天神貴者太一太一佐

曰五帝

五帝謂東方青帝靈威仰南方赤帝赤熛怒西  
方白帝白招矩北方黑帝叶光紀中央黃帝含

樞紐也一說蒼帝名靈符赤帝名文祖  
白帝名顯記黑帝名玄矩黃帝名神斗於是天子立其

祠長安東南郊

雁門馬邑豪聶壹

馬邑縣屬雁門郡  
豪謂以貨財武力

雄於鄉曲者聶姓也姓譜曰楚大夫食  
采于聶因以為氏壹其名聶尼輒翻

因大行王恢言

匈奴初和親親信邊可誘以利致之伏兵襲擊必破之

道也上召問公卿王恢曰臣聞全代之時

戰國之初代自為一國故

曰全代其後為趙襄子所滅代始屬趙服虔曰代未分之時也李奇曰六國之時代為一國尚能以擊匈奴況今加以漢之大乎北有強胡之敵內連中國之兵然尚得養老

長幼

長知兩翻

種樹以時倉廩常實匈奴不輕侵也今以陞

下之威海內為一然匈奴侵盜不已者無它以不恐之

故耳

言不示以威故匈奴不知懼也

臣竊以為擊之便韓安國曰臣聞

高皇帝嘗圍於平城

事見十一卷高祖七年

七日不食及解圍反

位而無忿怒之心夫聖人以天下為度者也

師古曰言當隨天下

人心而寬大其度量也

不以已私怒傷天下之公故遣劉敬結和

親至今為五世利臣竊以為勿擊便恢曰不然高帝身

被堅執銳行幾十年

被皮義翻  
幾居衣翻

所以不報平城之怨者

非力不能所以休天下之心也今邊境數驚

數所角翻

士卒

傷死中國搆車相望

應劭曰搆小棺也今謂之積金布  
今曰不幸死所為積傳歸所居縣

師古曰從軍死者以搆送致其喪載  
搆之車相望於道言其多也搆音衛

此仁人之所隱也

隱惻也張  
晏曰痛也

故曰擊之便安國曰不然臣聞用兵者以飽



待飢正治以待其亂定舍以待其勞故接兵覆衆伐國

墮城

師古曰覆敗也墮毀也言兵與敵接則敗其衆所伐之國則墮其城也墮讀曰隳

常坐而

役敵國此聖人之兵也今將卷甲輕舉

卷讀曰捲

深入長毆

難以為功

毆與驅同

從行則迫脅衡行則中絕

從子容翻衡讀曰橫

疾

則糧乏徐則後利

師古曰後利謂不及於利後戶遺翻

不至千里人馬乏

食兵法曰遺人獲也

言以軍遺敵人令其禽獲也遺于季翻

臣故曰勿擊

便恢曰不然臣今言擊之者固非發而深入也將順因

單于之欲誘而致之邊

誘音酉

吾選梟騎壯士陰伏而處

以為之備

泉堅堯翻  
騎奇寄翻

審遮險阻以為其戒吾執已定或

營其左或營其右或當其前或絕其後單于可禽百全

必取上從恢議

考異曰史記韓長孺傳元光元年聶  
壹畫馬邑事而漢書武紀在二年蓋元

年壹始言之二  
年議乃決也

夏六月以御史大夫韓安國為護軍將

軍衛尉李廣為驍騎將軍太僕公孫賀為輕車將軍大

行王恢為將屯將軍

司馬彪曰輕車古之戰車  
李奇曰將屯主監諸屯

太中大

夫李息為材官將軍將車騎材官三十餘萬匿馬邑旁

谷中約單于入馬邑縱兵陰使聶壹為間

間古  
覓翻

亡入匈

奴謂單于曰吾能斬馬邑令丞以城降

縣有令有丞長吏也

財物

可盡得單于愛信以為然而許之聶壹乃詐斬死罪囚

縣其頭馬邑城下

縣古懸字通

示單于使者為信曰馬邑長

吏已死

長知兩翻

可急來于是單于穿塞將十萬騎入武州

塞

班志武州縣屬鴈門郡崔浩曰今平城界西百里未

至馬邑百餘里見畜布野

畜許救翻

而無人牧者怪之乃攻

亭得雁門尉史欲殺之

師古曰漢律近塞皆置尉百里一人士史尉史各二人時雁門

尉史行微見

尉史乃告單于漢兵所居單于大驚曰吾

寇因保此亭

固疑之乃引兵還出曰吾得尉史天也以尉史為天王

塞下傳言單于已去漢兵追至塞度弗及乃皆罷兵

度徒

洛王恢主別從代出擊胡輜重重直用翻聞單于還兵多亦

不敢出上怒恢恢曰始約為入馬邑城兵與單于接而

臣擊其輜重可得利今單于不至而還臣以三萬人衆

不敵祇取辱固知還而斬然完陛下士三萬人於是下

恢廷尉

下還嫁翻

廷尉當恢逗撓當斬

應劭曰逗曲行避敵也撓顧望也如淳曰

軍行而逗留畏懦者要斬師古曰應說非也逗恢行十  
留止也撓謂屈弱也逗音豆又音住撓奴教翻

金丞相蚡蚡不敢言上而言於太后曰王恢首為馬邑

事今不成而誅恢是為匈奴報仇也

蚡房吻翻是為于偽翻

上朝

太后

朝直遙翻

太后以蚡言告上上曰首為馬邑事者恢故

發天下兵數十萬從其言為此且縱單于不可得恢所

部擊其輜重猶頗可得以尉士大夫心

尉與慰同

今不誅恢

無以謝天下於是恢聞乃自殺自是之後匈奴絕和親

攻當路塞

師古曰塞之當行道處者

往往入盜於漢邊不可勝數然

尚貪樂關市

匈奴與漢人於邊為互市如今之因易場也勝音升樂音洛

嗜漢財物

漢亦關市不絕以中其意

仲翻

三年春河水徙從潁丘東南流

師古曰潁丘丘名因以爲縣本衛地也地理志

屬東郡今則在魏州界

考異曰漢書武紀云東南流入勃海按潁丘屬東郡勃海乃在潁丘東北恐誤今不

取夏五月丙子復決濮陽瓠子

濮陽縣屬東郡服虔曰瓠子隄名在東郡蘇林

曰甄城以南濮陽以北爲瓠子河廣百步深五丈水經瓠子河出濮陽縣北十里即瓠子河口復扶又翻瓠戶故

翻考異曰史記河渠書元光中河決瓠子東注鉅野服虔注漢書武紀曰瓠子隄名在東郡白馬蘇林曰在

甄城以南濮陽以北將相名臣表曰五月丙子河決瓠子然則瓠子即濮陽縣境隄名也注鉅野

鉅野縣屬山陽郡大野澤在其北師古曰即今鄆州鉅野縣

通淮泗

決河之水由鉅野而通泗水由鉅

泗水而汎郡十六

汎敷劍翻

天子使汲黯鄭當時發卒十萬

塞之輒復壞

塞悉則翻復扶又翻下同

是時田蚡奉邑食鄒

奉扶用翻鄒音

輸鄒縣屬清河郡

鄒居河北河決而南則鄒無水災邑收多蚡

言於上曰江河之決皆天事未易以人力彊塞

易以豉翻彊其

兩塞之未必應天而望氣用數者亦以為然于是天子

久之不復事塞也初孝景時魏其侯竇嬰為大將軍

武安侯田蚡乃為諸郎

諸郎諸曹郎也

侍酒跪起如子姪已而

蚡日益貴幸為丞相魏其失勢賓客益衰

師古曰言素為嬰之賓客

者漸以衰還

獨故燕相潁陰灌夫不去

燕王定國王澤之孫也夫自太

僕出相之班志潁陰縣

嬰乃厚遇夫相為引重

張晏曰相薦達

為聲勢也師古曰相牽引

其游如父子然夫為人剛直

使酒諸有執在已之右者必陵之數因酒忤丞相

數所角翻

件五故翻

丞相乃奏案灌夫家屬橫潁川民苦之

夫宗族賓客為權利

橫于潁川小兒歌之曰潁水清灌

氏寧潁水濁灌氏族橫戶孟翻

棄市罪

刑人於市與衆弃之故殺之于市者謂之弃市景帝中元年改磔曰弃市應劭曰先諸死刑皆

磔于市今改曰弃市自非妖逆不復磔也魏其上書論師古曰磔謂張其尸也弃市殺之于市也



救灌夫上令與武安東朝廷辦之

東朝謂太后居長樂宮在未央宮之東也

令于長樂宮見太后廷辦其是非也朝直遙翻下同

魏其武安因互相詆訐

訐居謁翻

上問朝臣兩人孰是唯汲黯是魏其韓安國兩以為是

鄭當時是魏其後不敢堅上怒當時曰吾并斬若屬矣

若屬猶言汝輩也

即罷起入上食太后

上時掌翻

太后怒不食曰今

我在也而人皆藉吾弟

晉灼曰藉蹈也藉慈夜翻

令我百歲後皆魚

肉之乎

師古曰以比魚肉而食啖也

上不得已遂族灌夫使有司案

治魏其得棄市罪

四年冬十二月晦論殺魏其於渭城

漢法以冬月行重刑遇春則赦若贖

故以十二月晦論殺魏其侯此武安侯蚡之意也渭城縣屬扶風秦之咸陽也

考異曰班固漢武故事曰上

召大臣議之羣臣多是實嬰上亦不復窮問兩罷之田蚡大恨欲自殺先與太后訣兄弟共號哭訴太后太后亦哭弗食上不得已遂乃殺嬰按漢武故事春三月乙語多誕妄非班固書蓋後人為之託固名耳

卯武安侯蚡亦薨

考異曰武安侯傳云元光四年春丞相按灌夫事其夏取夫人五年十

月論灌夫及家屬十二月晦魏其弃市徐廣引武帝本紀侯表以為蚡薨在嬰死後分明四年當是三年五年當是四年今從之廣又疑十二月為二月按漢制常以立春下寬天詔書蚡恐魏其得釋故以十二月晦殺之何必改為及淮南王安敗

見後十九卷元狩元年

上聞蚡受安金

有不順語

見上卷建元二年

曰使武安侯在者族矣 夏四月

隕霜殺艸

御史大夫安國行丞相事引愼車蹇

如淳曰為

天子導引而愼車蹇跛也予據漢制大駕則公卿奉引安國蓋因奉引而愼車也愼杜火翻

五月丁

巳以平棘侯薛澤為丞相

薛澤高祖功臣廣平侯薛歐之孫廣平侯國景帝中二年

罪絕中五年復封澤平棘侯班志平棘縣屬常山郡

安國病免

地震赦天下

九月以中尉張歐為御史大夫韓安國疾愈復為中尉

河間王德修學好古實事求是

德景帝子帝之兄也景帝前二年受封師

古曰實事求是務得其實每求真是也好呼列翻

以金帛招求四方善書得書

多與漢朝等

朝直遙翻

是時淮南王安亦好書所招致率多

浮辨獻王所得書皆古文先秦舊書

師古曰先秦猶言秦先謂未焚書之

前子據獻王傳舊書即謂周官尚書禮記孟子老子之書

采禮樂古事稍稍增輯至

五百餘篇被服造次

師古曰被服言常居處其中也造次謂所向必行也予謂被服者言

以儒術衣被其身也

必于儒者山東諸儒多從之游

五年冬十月河間王來朝獻雅樂對三雍宮

應劭曰辟雍明堂靈

臺也雍和也言天地君臣人民皆和也予謂對三雍宮者對三雍之制度非召對于三雍宮

及詔策

所問三十餘事其對推道術而言得事之中文約指明

師古曰中竹仲翻約少也指謂義之所趨若人以手指物也

天子下太樂官常存肄

河間王所獻雅聲

班表太樂官屬太常肆以至翻習也下遐嫁翻

歲時以備數

然不常御也春正月河間王薨中尉常麗以聞

姓譜常姓黃帝

相常先之後

曰王身端行治

師古曰端直也治理也行下孟翻

溫仁恭儉篤

敬愛下明知深察惠于鰥寡大行令奏謚法聰明睿知

曰獻謚曰獻王

知讀曰智

班固贊曰魯哀公有言寡人生于深宮之中長於

婦人之手未嘗知憂未嘗知懼

師古曰哀公與孔子之言事見孫卿子長

知兩 翻 信哉斯言也雖欲不危亡不可得已

師古曰已語終辭

是故古人以晏安為鴆毒

師古曰左氏傳管敬仲曰晏安鴆毒不可懷也 無

德而富貴謂之不幸漢興至於孝平諸侯王以百數

率多驕淫失道何則沈溺放恣之中

沈持抹翻

居執使然

也自凡人猶繫于習俗而況哀公之倫乎夫唯大雅卓爾不羣河間獻王近之矣

初王恢之討東越也

見上卷建元六年

使番陽令唐蒙風曉南

越南越食蒙以蜀枸醬

班志番陽縣屬豫章郡番蒲何翻風讀曰諷劉德曰枸樹如桑

其椹長二三寸味酢取其實以為醬美師古曰枸者緣木而生非樹也子形如桑椹又不長一二寸味尤辛不酢劉說非也崔駰曰按漢書音義枸木似穀樹其葉似桑葉用其葉作醬酢美蜀人以為珍味廣志曰枸黑色味辛下氣消穀晉灼曰枸音矩索隱從徐廣音求羽翻唐本本草注曰蒟蒻生葉似王瓜而厚大味辛香實似桑椹皮黑肉白劉淵林曰蒟醬緣木而生其子如桑椹熟時正青長二三寸以蜜藏而食辛香調五藏李心傳曰蒟醬廣蜀皆有之實中類也蜀中者緣木而生如桑椹熟時正青長二三寸以蜜藏而食之廣中者蔓生葉似王瓜而厚大味辛香實似桑椹皮黑肉白其苗如浮留藤取葉合檳榔食之西戎亦時時持來細而辛烈唐蒙所見謂來自牂牁則廣生殆蜀本也蒟醬之味全類草撥而草撥辛烈尤甚世人唯用草撥不用蒟醬故鮮有知

蒙問所從來曰道西北牂柯江牂柯江廣數里山

番禺城下

南越志曰番禺之西有江浦焉師古曰牂柯繫船牂華陽國志云楚遣莊蹻戍夜郎軍至

且蘭舣船于岸而步戰既滅夜郎以且蘭有舣船牂柯處乃改為牂柯又後漢志注牂柯江中名山或曰牂柯

江東通四會至番禺入海水經牂柯水東至鬱林廣鬱縣為鬱水南流入交趾劉昫曰唐邕州治宣化縣漢鬱林郡之領方縣地也驪水在縣北本牂柯河谷呼為鬱林江即駱越水也蓋廣鬱縣漢亦屬鬱林郡水經所謂交趾界者漢交趾州界也牂音臧柯音歌班志番禺縣屬南海郡時為南越王都廣古曠翻番音番禺音愚

蒙歸至長安問蜀賈人賈人曰獨蜀出枸醬多持竊出

市夜郎

華陽國志夜郎王竹王三郎之後武帝開為縣屬牂柯郡史記正義曰今瀘州南大江南岸協

州曲州本夜郎國賈音古夜郎者臨牂柯江江廣百餘步足以行船



南越以財物役屬夜郎西至桐師

桐師西南夷種其地在夜郎之西葉榆之

西南然亦不能臣使也蒙乃上書說上曰

乃上時掌翻說式為翻

南

越王黃屋左纛地東西萬餘里名為外臣實一州主也

今以長沙豫章往水道多絕難行竊聞夜郎所有精兵

可得十餘萬浮船牂柯江出其不意此制越一奇也誠

以漢之彊巴蜀之饒通夜郎道為置吏甚易

為于偽翻易以政翻

上許之乃拜蒙為中郎將將千人食重萬餘人

師古曰食糧及

衣重重從巴蜀作關入

李文子曰作關在沈黎郡又云直用翻在犍為郡界宋白曰眉州青神

縣臨青衣江郡國志漢武帝使唐蒙開西南夷路始此眉州漢犍為郡地作才各翻遂見夜郎侯

多同

多同夜郎侯之名也

蒙厚賜喻以威德約為置吏使其子為

令夜郎旁小邑皆貪漢繒帛以為漢道險終不能有也

乃且聽蒙約還報上以為犍為郡

李文子曰犍為郡治犍元光五年又治南

廣水經注曰犍水出符縣南不狼山縣有犍山後漢志

犍水過牂柯郡入延江水水經注沅水出且蘭東至鐔

城為沅水寰宇記唐播州夷州費州莊州即秦且蘭夜郎之西北隅今珍州亦其地又西高州有夜郎縣牂州

建安縣有古夜郎城西近施黔東近辰沅皆其境也犍居言翻章懷太子賢曰犍為故城在眉州隆山縣西北

發巴蜀卒治道自犍道指牂柯江

班志犍道屬犍為郡宋白曰古犍國縣有

蠻夷曰道故為樊道今戎州治所康曰樊國在馬湖江唐蒙鑿石開道以通之治直之翻樊蒲北翻

作者

數萬人士卒多物故有逃亡者用軍興法誅其渠率

鄭玄

曰縣官徵聚曰興今云軍興是也率所類翻

巴蜀民大驚恐上聞之使司馬

相如責唐蒙等因諭告巴蜀民以非上意相如還報是

時邛笮之君長

華陽國志雅州邛崃山本名邛笮山故邛人笮人界韋昭曰笮縣在越雋文韻

曰邛者今為邛都縣笮者今為定笮縣史記正義曰邛都西有邛樊山在雅州榮經縣界山岩峭峻曲回九折乃至上下有凝水即王尊叱馭處康曰邛都夷其地陷為汙澤因名邛池南人呼為邛河師古曰邛都今之邛州本其地邛渠

容翻笮才各翻

聞南夷與漢通得賞賜多多欲願為內

臣妾請吏比南夷天子問相如相如曰卽作冉駝者近

蜀道亦易通

師古曰今開州夔州等首領多姓冉者本皆冉種也後漢書冉駝其山有六夷七羌

九蠻各有部落括地志蜀西徼外羌茂州冉州本冉駝國康曰其人依山居土累石為室至十餘丈駝音厖易

以鼓翻秦時嘗通為郡縣至漢興而罷今誠復通為置郡

縣愈於南夷

張輯曰愈差也又云愈猶勝也晉灼曰南夷謂牂柯捷為西夷謂越雋益州也為置

之為子偽翻

天子以為然乃拜相如為中郎將建節往使及

副使王然于等乘傳因巴蜀吏幣物以賂西夷卽作冉

駝斯榆之君

康曰本葉榆澤其君長因以立號後隨畜移于徒師古曰徒音斯故又號徒榆使疏

吏翻傳

張應翻皆請為內臣除邊關關益斥西至沫若水

斥開廣也

張輯曰沫水出蜀廣平徼外與青衣水合若水出旄牛徼外至樊道入江華陽國志漢嘉縣有沫水李父子曰

若水南至大笮入繩水師古曰沫音妹

南至牂柯為徼通零關道

班志零關屬越

舊郡張揖曰鑿靈山為道寰宇記靈關山在雅州廬山縣北二十里靈關鎮在廬山縣北八十二里零靈通用

徼吉橋孫水

張揖曰孫水出臺登縣南至會無入若水康曰一名白沙江李父子曰孫水本名長

河以通印都為置一都尉十餘縣屬蜀

為于偽翻

天子大說

說讀

曰悅詔發卒萬人治鴈門阻險

師古曰阻險所以為固用止匈奴之寇貢

父曰治險阻者通道令平易以便伐匈奴治直之翻

秋七月大風拔木

女巫

楚服等教陳皇后祠祭厭勝挾婦人媚道事覺

厭一步翻賈公

彥曰按漢書婦人蠱惑媚道更相祝詛作木偶人埋之于地漢法又有官禁敢行媚道者

上使御史

張湯窮治之湯深竟黨與相連及誅者三百餘人楚服

梟首于市

梟堅堯翻

乙巳賜皇后冊收其璽綬罷還居長門

宮

長門宮如淳曰長門在長安城東南東方朔傳竇太主獻長門園上以為宮

竇太主慙慙

稽顙謝上

竇太主陳皇后母也稽音啓

上曰皇后所為不軌於大義

不得不廢主當信道以自慰勿受妄言以生嫌懼后雖

廢供奉如法長門無異上宮也

初上嘗置酒竇太主

家主見所幸賣珠兒董偃上賜之衣冠尊而不名稱為

主人翁使之侍飲由是董君貴寵天下莫不聞

考異曰漢武

故事曰陳皇后廢處長門宮竇太主以宿恩猶自親近後置酒主家主見所幸董偃按東方朔傳爰叔為偃畫

計令主獻長門園更名曰長門宮則偃見上在陳后廢前明矣常從游戲北宮馳逐平

樂觀

平樂觀在未央宮北周回十五里高祖時制度外創至帝增修之三輔黃圖曰上林苑中有平樂觀

樂音洛觀

古玩翻

鷄鞠之會

聞鷄及蹴鞠也鞠毬也

角狗馬之

足

師古曰角猶校也

上大歡樂之上為竇太主置酒宣室

蘇林曰宣

室未央前殿正室也如淳曰宣室使謁者引內董君是布政教之室也樂音洛為子為翻

時中郎東方朔執戟殿下

師古曰持戟立列陛側也

辟戟而前曰辟

頻

亦翻董偃有斬罪三安得入乎上曰何謂也朔曰偃以人

臣私侍公主其罪一也敗男女之化而亂婚姻之禮傷

王制其罪二也

敗補邁翻

陛下富于春秋方積思于六經偃

不遵經勸學反以靡麗為右

師古曰右尊之也思相吏翻

奢侈為務

盡狗馬之樂極耳目之欲是乃國家之大賊人主之大

賊

師古曰賊魅也音或說者以為短狐非也短狐射工耳於此不當具義今俗猶云魅賊也貢父曰劉向說

春秋賊南方淫氣所生以應哀姜然則朔正用指偃耳何必遷就魅賊也予按洪範五行傳曰賊如驚三足生



於南越南越婦人多淫故其地多蟻淫女惑亂之氣所  
生也陸璣州本疏曰一名射影江淮水皆有之人在岸  
上影見水中投水影則殺之故曰射影南人將入水先  
以瓦石投水中令水濁然後入或曰含沙射人皮肌其  
瘡如疥陸佃埤雅曰域一名射工有長角橫在口前如  
弩檐臨其角端曲如上弩以氣為矢因水勢以射人故  
俗呼其罪三也上默然不應良久曰吾業已設飲後而  
水弩

自改朔曰夫宣室者先帝之正處也非法度之政不得  
入焉故淫亂之漸其變為篡是以豎貂為淫而易牙作

患慶父死而魯國全

豎貂易牙皆齊桓公嬖臣也管仲有疾桓公問之曰將何以教寡人

仲曰願君之遠豎貂易牙公曰易牙烹其子以快寡人尚可疑邪對曰人之情非不愛其子其子之惡又將何

有於君公曰豎貂自宮以近寡人尚可疑邪對曰人之  
情非不愛其身其身之忍又將何有於君公曰諾管仲  
死盡逐之而公食不甘宮不治居三年公曰仲父不亦  
過乎于是復皆召而反之明年公病豎貂易牙相與作  
亂塞門築牆不通人有一婦人踰垣至公所公曰我欲  
食婦人曰吾無所得又曰我欲飲婦人曰吾無所得公  
曰何故曰豎貂易牙作亂故無所得公慨然歎曰若死  
者有知吾何面目見仲父乎蒙衣袂而絕乎壽宮蟲流  
出於戶蓋以揚門之扉三月不葬慶父魯桓公庶子莊  
公之兄通于哀姜莊公薨慶父弑其子般及閔公欲為  
亂而不克奔莒莒人歸之  
繼于密魯乃定父音甫

上曰善有詔止更置酒北宮

引董君從東司馬門入

未央宮有東闕北闕東闕曰蒼  
龍東司馬門蒼龍闕內之司馬

門也更賜朔黃金三十斤董君之寵由是日衰是後公  
工衛翻

主貴人多踰禮制矣 上以張湯為太中大夫與趙禹

共定諸律令務在深文拘守職之吏作見知法吏傳相

監司用法益刻自此始

蘇林曰拘刻於守職之吏師古曰見知人犯法而不舉告謂之

故縱晉志曰見知而不舉劾各與同罪失不舉劾以贖論其不見不知不坐也傳張繆翻監古衙翻八月

螟

食心曰螟

是歲徵吏民有明當世之務習先聖之術者

縣次續食令與計偕

師古曰計者上計簿使也郡國每歲遣詣京師上之偕者俱也令所

徵之人與上計者俱來而縣次給其食後世記誤因乘此語遂謂上計為計偕闕駟不詳妄為解說云秦漢謂諸侯朝使曰計偕偕次也晉有計偕留川人公孫弘對

簿又改偕為階失之彌遠致誤後學

策曰臣聞上古堯舜之時不貴爵賞而民勸善不重刑  
罰而民不犯躬率以正而遇民信也末世貴爵厚賞而  
民不勸深刑重罰而姦不止其上不正遇民不信也夫  
厚賞重刑未足以勸善而禁非必信而已矣是故因能  
任官則分職治去無用之言則事情得不作無用之器

則賦歛省

治直吏翻去羌  
呂翻歛力瞻翻

不奪民時不妨民力則百姓

富有德者進無德者退則朝廷尊有功者上無功者下

則羣臣遠

李奇曰言有次第  
師古曰遠七旬翻

罰當罪則姦邪止賞當賢

則臣下勸凡此八者治之本也故民者業之則不爭理

得則不怨有禮則不暴愛之則親上

師古曰各得其業則無爭心各申其理則

無所怨使之由禮則無暴慢子而愛之則知親上也

此有天下之急者也禮義者

民之所服也而賞罰順之則民不犯禁矣臣聞之氣同

則從聲比則應

比頻寐翻又音毗和也

今人主和德于上百姓和

合於下故心和則氣和氣和則形和形和則聲和聲和

則天地之和應矣故陰陽和風雨時甘露降五穀登六

畜蕃

畜許救翻蕃扶元翻

嘉禾興朱艸生山不童澤不涸此和之

至也時對者百餘人太常奏弘第居下策奏天子擢弘

對為第一拜為博士待詔金馬門

如淳曰武帝時相馬者東方京作銅馬法

獻之立馬于魯班門外更名為魯班門為金馬門三輔黃圖曰金馬門宦者署武帝得大宛馬以銅鑄像立于署

門因以為名齊人轅固年九十餘亦以賢良徵公孫弘及目

而事固固曰公孫子務正學以言無曲學以阿世諸儒

多疾毀固者固遂以老罷歸是時巴蜀四郡

四郡蜀郡廣漢郡犍

為郡巴郡也鑿山通西南夷千餘里戍轉相餉數歲道不通

士罷餓離暑濕死者甚衆

罷讀曰疲

西南夷又數反

數所角翻

發

兵興擊費以巨萬計而無功上患之詔使公孫弘視焉

還奏事盛毀西南夷無所用上不聽弘每朝會

朝直開

陳其端使人主自擇不肯面折廷爭于是上察其行慎

厚辯論有餘習文法吏事緣飾以儒術

師古曰譬之於衣加純緣也折

之古翻爭讀曰諍行下孟翻

大說之

說讀曰悅

一歲中遷至左內史

異曰考

漢書武紀云元光元年五月詔策賢良於是董仲舒公孫弘等出焉按弘傳元光五年復徵賢良文學留川國推上弘其策文頗與武紀元年策文相類又云一歲中至左內史百官表元光五年弘為左內史然則弘之再舉賢良不在元光元年明矣荀紀著於此年徵吏民明當世之務下葛洪西京雜記亦云弘以元光五年為國

士所推上為賢良若此續食之詔在八月則弘不容於今年已為左內史蓋此詔在今年不知何月故班氏繫之於年末耳其策文相類蓋出偶然或者此策乃弘先舉賢良時所對班氏誤以為此年之策疑未能明今從漢弘奏事有不可不廷辨常與汲黯請問師古曰求黯空際之暇

先發之弘推其後天子常說

說讀曰悅

所言皆聽以此日益

親貴弘嘗與公卿約議至上前皆倍其約以順上旨

倍蒲

翻妹汲黯廷詰弘曰齊人多詐而無情實始與臣等建此

議今皆倍之不忠上問弘弘謝曰夫知臣者以臣為忠不知臣者以臣為不忠上然弘言左右幸臣每毀弘上



益厚遇之

六年冬初算商車

李奇曰始稅商賈車船令出算

大司農鄭當時言

穿渭為渠下至河

渠起長安旁南山下至河三百餘里

漕關東粟徑易

易以

翻又可以溉渠下民田萬餘頃春詔發卒數萬人穿渠

如當時策三歲而通人以為便匈奴入上谷殺略吏

民遣車騎將軍衛青出上谷騎將軍公孫敖出代輕車

將軍公孫賀出雲中驍騎將軍李廣出雁門各萬騎擊

胡關市下衛青至龍城

龍城匈奴祭天大會諸部處

得胡首虜七百

人公孫賀無所得公孫敖為胡所敗亡七千騎李廣亦

為胡所敗胡生得廣置兩馬間絡而盛臥

敗補邁翻  
盛時征翻

行

十餘里廣佯死暫騰而上胡兒馬上

師古曰騰跳躍也  
上時掌翻

奪

其弓鞭馬南馳遂得脫歸漢下敖廣吏

下遐  
嫁翻

當斬贖為

庶人唯青賜爵關內侯青雖出於奴虜

青本平陽公  
主家騎奴

然

善騎射材力絕人遇士大夫以禮與士卒有恩眾樂為

用有將帥材

騎奇寄翻樂音洛將  
即亮翻帥所類翻

故每出輒有功天下

由此服上之知人

夏大旱蝗

六月上行幸雍

秋

匈奴數盜邊

數所角翻

漁陽尤甚以衛尉韓安國為材官將

軍屯漁陽

元朔元年

應劭曰朔蘇也孟軻曰后來其蘇蘇息也言萬民品物大繁息也師古曰朔猶始也言更為初

始也蘇息之息非息生義應說失之

冬十一月詔曰朕深詔執事興廉舉孝

庶幾成風紹休聖緒

師古曰休美也緒業也言紹先聖之休緒也幾居衣翻

夫十室

之邑必有忠信三人並行厥有我師

論語曰十室之邑必有忠信如丘者焉又

曰三人行必有我師焉

今或至闔郡而不薦一人

師古曰闔閉也摠一郡之中故曰闔

是化不下究而積行之君子壅于上聞也

師古曰究竟也言見壅遏不得

聞達于天子也且進賢受上賞蔽賢蒙顯戮古之道也其議二

千石不舉者罪有司奏不舉孝不奉詔當以不敬論

張晏曰謂其不

勤求士以

不察廉不勝任也當免

張晏曰二千石當率身化下今親宰牧而無賢人為不勝

任也勝

奏可

十二月江都易王非薨

非景帝子前二年封汝南二年徙江都

皇子據生衛夫人之子也

是為戾太子 考異曰漢書武五子傳贊曰建元六年春

戾太子生外戚傳衛皇后元朔元年生男據按枚舉傳云武帝春秋二十九乃有皇子與外戚傳合蓋贊語因蚩尤之旗致此誤亦猶五星聚

在秦二世末年誤為漢元年也

三月甲子立衛夫人為皇

后赦天下 秋匈奴二萬騎入漢殺遼西太守略二千

餘人圍韓安國壁又入漁陽鴈門各殺略千餘人安國

益東徙屯北平數月病死

考異曰安國死在明年於此終言之

天子乃

復召李廣拜為右北平太守匈奴號曰漢之飛將軍避之數歲不敢入右北平車騎將軍衛青將三萬騎出

雁門將軍李息出代青斬首虜數千人東夷薺君南

間等共二十八萬人降為蒼海郡

服虔曰薺猶在辰韓之北高麗沃沮之南

東窮大海師古曰南間薺君名食貨志彭吳開道通薺  
緬朝鮮置滄海郡陳壽夫餘傳魏時夫餘庫有玉壁珪  
璚傳世以為寶者老言先代所賜其印文言瀝王之印  
國有故城名瀝城蓋本瀝貊之地又瀝傳漢武帝滅朝

鮮置樂浪郡自單單大嶺以西屬樂浪自嶺以東七縣  
都尉主之皆以濊為氏今不耐濊皆其種也班志樂浪  
東部都尉治不耐縣歲音濊降戶江翻考異曰史記  
平準書曰彭吳賈滅朝鮮置蒼海之郡按滅朝鮮置蒼  
海兩事也不知人徒之費擬於南夷燕齊之間靡然騷  
何者出賈之謀

動是歲魯共王餘長沙定王發皆薨

二王皆景帝子  
餘以前二年受

封淮陽三年徙魯發亦  
以前二年受封長沙

臨菑人主父偃

趙武靈王自  
號主父支庶

因以嚴安無終人徐樂

班志無終縣屬右北平  
郡春秋無終子之國

皆上書

言事始偃游齊燕趙皆莫能厚遇諸生相與排擯不容

家貧假貸無所得乃西入關上書闕下朝奏暮召入所

言九事其八事為律令一事諫伐匈奴其辭曰司馬法

曰國雖大好戰必亡天下雖平忘戰必危

師古曰司馬穰苴善用兵

著書言兵法謂之司馬法一說司馬古主兵之官有軍陳用師之法予據史記齊威王使大夫追論古者司馬兵法而附穰苴於其中因號

夫怒者逆德也兵者凶器

也爭者末節也夫務戰勝窮武事者未有不悔者也昔

秦皇帝并吞戰國務勝不休欲攻匈奴李斯諫曰不可

夫匈奴無城郭之居委積之守

委于偽翻積子智翻委積者倉廩之藏也鄭氏

曰少曰委多曰積遷徙鳥舉難得而制也輕兵深入糧食必絕

踵糧以行重不及事得其地不足以爲利也得其民不

可調而守也

李奇曰不可和調也

勝必殺之非民父母也靡散中

國

師古曰靡散也音靡

快心匈奴非長策也秦皇帝不聽遂使蒙

恬將兵攻胡辟地千里

辟讀曰闢

以河爲境地固沮澤鹹鹵

不生五穀

沮將預翻五穀黍稷菽麥稻或曰黍稷菽稻粱

然後發天下丁男以

守北河

河水逕安定北地朔方界皆北流至高關始屈而東流過雲中積陵縣又屈而南流故朔方雲

中之北謂之北河杜佑曰衛青渡西河至高關破匈奴河自今靈武郡之西南便北流千餘里過九原郡乃東流時帝都秦所謂西河疑是此處其高關當在河之西也史記趙武靈王築長城自代並陰山下至高關則



與漢書符矣其河自九原東流千里在京  
師直北漢史即云北河斯則西河之側者  
暴兵露師十

有餘年死者不可勝數

勝音升

終不能踰河而北是豈人

衆不足兵革不備哉其勢不可也使天下飛芻輓粟

師古曰軍載芻藁今其疾至故曰飛芻輓謂引車船也

起於東陞琅邪負海之郡

轉輸北河率三十鍾而致一石

東陞漢書作黃腫師古曰黃腫二縣並在東萊

言自東萊及琅邪緣海諸郡皆令轉輸至北河六斛四斗為鍾計其道路所費凡用一百九十二斛乃得一石

至杜佑曰腫即今文登縣腫直腫翻又音誰

男子疾耕不足於糧餉女子紡

績不足於帷幕百姓靡敝

靡美為翻

孤寡老弱不能相養道

路死者相望蓋天下始畔秦也及至高皇帝定天下略

地於邊聞匈奴聚于代谷之外而欲擊之御史成進諫

曰不可夫匈奴之性獸聚而鳥散從之如搏影

師古曰搏擊也

搏人之陰景言不可得予謂影隨物而生者也存滅不常難得而搏之

今以陛下盛德攻

匈奴臣竊危之高帝不聽遂北至于代谷果有平城之

圍高皇帝蓋悔之甚乃使劉敬往結和親之約

事見高帝紀

然後天下忘干戈之事夫匈奴難得而制非一世也行

盜侵驅

師古曰來侵邊竟而驅掠人畜也

所以為業也天性固然上及

虞夏殷周固弗程督

師古曰程課也督視責也

禽獸畜之

畜許六翻

不屬

為人夫上不觀虞夏殷周之統而下循近世之失此臣之所大憂百姓之所疾苦也嚴安上書曰今天下人民用財侈靡車馬衣裘宮室皆競修飾調五聲使有節族

蘇林曰族音奏師古曰節止也奏準也

雜五色使有文章重五味方丈於

前以觀欲天下

孟康曰觀猶顯也師古曰顯示之使其慕欲也重直龍翻觀古玩翻

彼民

之情見美則願之是教民以侈也侈而無節則不可贍

民離本而微末矣

師古曰贍足也離力智翻微要求也一堯翻

末不可徒得

故搢紳者不憚為詐帶劔者夸殺人以矯奪

師古曰夸大也競也

矯偽也

而世不知愧是以犯法者衆臣願為民制度以防

其淫使貧富不相耀以和其心心志定則盜賊消刑罰

少陰陽和萬物蕃也

師古曰蕃扶元翻多也

晉秦王意廣心逸欲

威海外使蒙恬將兵以北攻胡又使尉屠睢將樓船之

士以攻越

雖音雖

當是時秦禍北構於胡南挂於越

師古曰挂

也宿兵於無用之地進而不得還行十餘年丁男被甲

丁女轉輸苦不聊生自經於道樹

自經縊也

死者相望及秦

皇帝崩天下大畔滅世絕祀窮兵之禍也故周失之弱

秦失之彊不變之患也今徇西夷朝夜即降羌焚略巖

州

朝直遙翻降戶江翻  
焚蒲北翻巖音穢

建城邑深入匈奴燔其龍城議

者美之此人臣之利非天下之長策也徐樂上書曰臣

聞天下之患在於土崩不在瓦解古今一也何謂土崩

秦之末世是也陳涉無千乘之尊尺土之地身非王公

大人名族之後鄉曲之譽非有孔曾墨子之賢陶朱猗

頓之富也

范蠡居于陶自號為陶朱公治產至鉅  
萬猗頓魯人用鹽鹽起與王者埒富

然起

窮巷奮棘矜

棘與戟同師古曰矜者戟之把也矜讀曰矜其巾翻

偏袒大呼

呼火故翻

天下從風此其故何也由民困而主不恤下怨而上不知俗已亂而政不修此三者陳涉之所以為資也此之謂土崩故曰天下之患在乎土崩何謂瓦解吳楚齊趙之兵是也七國謀為大逆號皆稱萬乘之君帶甲數十萬威足以嚴其境內財足以勸其士民然不能西攘尺寸之地

師古曰攘謂侵取漢也

而身為禽於中原者此其故何也

非權輕於匹夫而兵弱於陳涉也當是之時先帝之德

未衰而安土樂俗之民衆

樂音洛

故諸侯無竟外之助

師古

曰竟讀曰境

此之謂瓦解故曰天下之患不在瓦解此二體

者安危之明要賢主之所宜留意而深察也間者關東

五穀數不登年歲未復民多窮困重之以邊境之事

數所

角翻師古曰復扶目翻重直用翻

推數循理而觀之民宜有不安其處

者矣不安故易動易動者土崩之勢也

易以鼓翻

故賢主獨

觀萬化之原明於安危之機修之廟堂之上而銷未形

之患也其要期使天下無土崩之勢而已矣書奏天子

召見三人謂曰公等皆安在何相見之晚也皆拜為郎

中

考異曰漢書主父偃傳云元光元年三人上書按嚴安書云徇南夷朝夜郎降羌焚畧葦州此等事皆

在元光元年後蓋誤以朔字為光字耳

主父偃尤親幸一歲中凡四遷為

中大夫大臣畏其口賂遺累千金或謂偃曰太橫矣遺于

季翻橫

偃曰吾生不五鼎食死即五鼎烹耳

張晏曰五鼎牛羊豕

戶孟翻

魚糜也諸侯王卿大夫也孔穎達曰少牢陳五鼎羊一豕二膚三魚四腊五師古曰五鼎烹謂被鑊烹之誅為

主父偃被

誅張本

二年冬賜淮南王几杖母朝

朝直遙翻考異曰漢書武紀曰賜淮南菑川王几



枝母朝顏師古曰淮南王安菑川王志皆武帝諸父列也故賜几杖按諸侯表菑川王志在位三十五年以元光五年薨齊悼惠王世家高五王傳皆同此云菑川王志誤也主父偃說上曰古者諸

侯不過百里疆弱之形易制今諸侯或連城數十地方

千里緩則驕奢易為淫亂急則阻其疆而合從以逆京

師說式為翻易以以法割削之則逆節萌起師古曰萌謂事之始

生如艸木之萌芽也前日鼂錯是也事見十六卷景帝前二年鼂直逆翻錯十故翻今諸

侯子弟或十數而適嗣代立適讀日嫡餘雖骨肉無尺地之

封則仁孝之道不宣願陛下令諸侯得推恩分子弟以

地侯之彼人人喜得所願上以德施實分其國不削而

稍弱矣上從之春正月詔曰諸侯王或欲推私恩分子

弟邑者令各條上

上時掌翻

朕且臨定其號名於是藩國始

分而子弟畢侯矣匈奴入上谷漁陽殺略吏民千餘

人遣衛青李息出雲中以西至隴西擊胡之樓煩白羊

王於河南得胡首虜數千牛羊百餘萬走白羊樓煩王

遂取河南地詔封青為長平侯

班志長平侯國屬汝南郡

青校尉蘇

建張次公皆有功封建為平陵侯次公為岸頭侯

據功臣表

平陵侯食邑於南陽郡武當縣界晉灼曰河東皮氏縣有岸頭亭校戶教翻

主父偃言河南

地肥饒外阻河蒙恬城之以逐匈奴內省轉輸戍漕廣

中國滅胡之本也上下公卿議皆言不便

下邳嫁翻

上竟用

偃計立朔方郡使蘇建興十餘萬人築朔方城

括地志夏州朔

方縣北什貢故城按是蘇建築什貢之號蓋出蕃語也宋白曰漢朔方郡治三封縣今長澤縣有三封故城什

貢故城今為德靜縣治

復繕故秦時蒙恬所為塞因河為固轉漕

甚遠自山東咸被其勞

被皮義翻

費數十百鉅萬府庫並虛

漢亦棄上谷之斗辟縣造陽地以予胡

孟康曰縣斗僻曲近胡師古曰

斗絕也縣之斗曲入匈奴界者其中造陽地也杜佑曰造陽在今媯川郡之北辟讀曰僻予讀曰與

三

月乙亥晦日有食之夏募民徙朔方十萬口主父

偃說上曰茂陵初立

初立于建元二年

天下豪傑并兼之家亂

衆之民皆可徙茂陵內實京師外銷姦猾此所謂不誅

而害除上從之徙郡國豪傑及訾三百萬以上于茂陵

訾與軹人郭解

班志軹縣屬河內郡音止

關東大俠也亦在徙中衛

將軍為言郭解家貧不中徙

為于偽翻言其貧不當在見徙之數中音竹仲翻

上曰解布衣權至使將軍為言

師古曰將軍為之言是為其所使也此其

家不貧卒徙解家

卒子恤翻

解平生睚眦殺人甚衆

師古曰睚音厓

舉眼也眦即眦字謂目匡也言舉眼相忤者即殺之上也一說睚五解翻眦士解翻睚眦瞋目貌二說並通

聞之下吏捕治解

下遐嫁翻

所殺皆在赦前軹有儒生侍使

者坐客譽郭解

譽音余

生曰解專以奸犯公法何謂賢解

客聞殺此生斷其舌

斷丁官翻

吏以此責解解實不知殺者

殺者亦絕莫知為誰吏奏解無罪公孫弘議曰解布衣

為任俠行權以睚眦殺人解雖弗知此罪甚於解殺之

當大逆無道

當謂處斷其罪蓋以大逆無道之罪坐郭解也

遂族郭解

日荀紀

以郭解事著于建元二年按武紀建元二年初置茂陵邑三年賜徙茂陵者錢當是時衛青公孫弘皆未貴又元朔二年徙郡國豪傑于茂陵此乃徙解之時也

班固曰古者天子建國諸侯立家自卿大夫以至于

庶人各有等差是以民服事其上而下無覲覲

師古曰覲

幸也覲欲也幸得其所欲也覲音冀覲音俞又音喻

周室既微禮樂征伐自諸

侯出桓文之後大夫世權陪臣執命

師古曰陪重也大夫世權晉六

卿魯三桓齊田氏是也陪臣執命陽虎之類是也諸侯之臣於天子為陪臣大夫之家臣於諸侯為陪臣

陵夷至于戰國合從連衡

從子容翻衡讀曰橫

繇是列國公子

魏有信陵趙有平原齊有孟嘗楚有春申皆藉王公

之執競為游俠鷄鳴狗盜

事見三卷報王十七年

無不賓禮而

趙相虞卿弃國捐君以周窮交魏齊之厄

事見五卷周報王五

十六年信陵無忌竊符矯命戮將專師以赴平原之急

事見五卷報王五十七年將即亮翻

皆以取重諸侯顯名天下搯腕而

游談者以四豪為稱首

師古曰搯捉持也音尼腕烏貫翻四豪即魏信陵以下也

于是背公死黨之議成守職奉上之義廢矣

背蒲妹翻及

至漢興禁網疏闊未知匡改也是故代相陳豨從車

千乘而吳淠淮南皆招賓客以千數

從才用翻  
漢普懿翻

外戚

大臣魏其武安之屬競逐於京師布衣游俠劇孟郭

解之徒馳騫於閭閻權行州域力折公侯衆庶榮其

名迹覲而慕之雖其陷于刑辟

辟毗  
亦翻

自與殺身成名

若季路仇牧死而不悔

季路死于衛侯輒之難仇牧  
死于宋閔公之難事並見左

傳故曾子曰上失其道民散久矣

見論語

非明主在上

示之以好惡

好呼到翻  
惡烏路翻

齊之以禮法民曷由知禁而

反正乎古之正法五伯三王之罪人也而六國五伯



之罪人也

伯讀曰霸

夫四豪者又六國之罪人也況於郭

解之倫以匹夫之細竊殺生之權其罪已不容於誅  
矣觀其溫良泛愛振窮周急謙退不伐亦皆有絕異  
之姿惜乎不入於道德苟放縱於末流殺身亡宗非  
不幸也

荀悅論曰世有三遊德之賊也一曰遊俠二曰遊說

三曰遊行

說式芮翻  
行下孟翻

立氣執作威福結私交以立強

于世者謂之遊俠飾辯辭設詐謀馳逐於天下以要

時執者謂之遊說

要一  
遙翻

色取仁以合時好

好呼  
到翻

連黨

類立虛譽以為權利者謂之遊行此三者亂之所由

生也傷道害德敗法惑世

敗補  
遙翻

先王之所慎也國有

四民各修其業不由四民之業者謂之奸民

四民士  
農工商

也奸民不生王道乃成凡此三遊之作生於李世周

秦之末尤甚焉上不明下不正制度不立綱紀弛廢

以毀譽為榮辱不核其真

譽音余  
下同

以愛憎為利害不

論其實以喜怒為賞罰不察其理上下相冒萬事乖

錯是以言論者計薄厚而吐辭選舉者度親疎而舉

筆

度徒洛翻

善惡謬於衆聲功罪亂於王法然則利不可

以義求害不可以道避也是以君子犯禮小人犯法

奔走馳騁越職僭度飾華廢實競趣時利

趣七喻翻

簡父

兄之尊而崇賓客之禮薄骨肉之恩而篤朋友之愛

忘修身之道而求衆人之譽割衣食之業以供饗宴

之好

好呼到翻

苞苴盈于門庭聘問交于道路

裏曰苞藉曰苴詩箋

以果實相遺者苞苴之又曰苞苴裏魚肉或  
以葦或以茅左傳注云聘執玉帛以相存問

書記繁

於公文私務衆於官事于是流俗成而正道壞矣是

以聖王在上經國序民正其制度善惡要於功罪而

不淫於毀譽

要一  
通翻

聽其言而責其事舉其名而指其

實故實不應其聲者謂之虛情不覆其貌者謂之偽

覆敷  
又翻

毀譽失其真者謂之誣言事失其類者謂之罔

虛偽之行不得設

行下  
孟翻

誣罔之辭不得行有罪惡者

無僥倖無罪過者不憂懼請謁無所行

請求也  
謁告也

貨賂

無所用息華文去浮辭

去是  
呂翻

禁偽辯絕淫智放百家

之紛亂壹聖人之至道養之以仁惠文之以禮樂則風俗定而大化成矣

燕王定國與父康王姬姁奪弟妻為姬殺肥如令郢人肥如燕之屬縣燕國除入漢屬遼西郡應劭曰肥子奔燕燕封於此郢人兄弟上書告之

主父偃從中發其事公卿請誅定國上許之定國自殺

國除

文帝初王澤始封于燕傳子康王嘉文帝九年嘉薨定國嗣蓋立四十二年矣

齊厲王次

昌亦與其姊紀翁主通

齊孝王將閭文帝十六年受封傳子懿王壽壽傳次昌

主

父偃欲納其女於齊王齊紀太后不許偃因言于上曰

齊臨菑十萬戶市租千金人衆殷富鉅于長安非天子

親弟愛子不得王此

王于況翻

今齊王於親屬益疏

疏與陳翻

又

聞與其姊亂請治之于是帝拜偃為齊相且正其事偃

至齊急治王後宮宦者辭及王王懼飲藥自殺偃少時

游齊及燕趙

少詩照翻

及貴連敗燕齊

敗補趙王彭祖懼彭祖

趙王彭祖懼

景帝子前二年封廣川五年徙趙

上書告主父偃受諸侯金以故諸侯

子弟多以得封者及齊王自殺上聞大怒以為偃劫其

王令自殺乃徵下吏

下遐嫁翻

偃服受諸侯金實不劫王令

自殺上欲勿誅公孫弘曰齊王自殺無後國除為郡入

漢主父偃本首惡陛下不誅偃無以謝天下乃遂族主

父偃 張歐免上欲以蓼戾孔臧為御史大夫

班志蓼縣屬衡

山國春秋之蓼國也音了康曰音六未知其何據蓼戾孔聚高祖功臣臧其子也臧自言世修經學蓋謂孔子後也安國為從弟安 臧辭曰臣世以經學為業乞為太

常典臣家業與從弟侍中安國

百官表侍中加官得出入禁中應劭曰入侍天

子故曰侍中續漢書曰侍中比二千石無員漢官儀曰侍中左蟬右貂本秦丞相史往來殿內故謂之侍中分掌乘輿服物下至褻器虎子之屬武帝時孔安國為侍中以其中儒者特聽掌御座唾壺朝廷榮之從才用翻

網紀古訓使永垂來嗣上乃以臧為太常其禮賜如三公

三年冬匈奴軍臣單于死其弟左谷蠡王伊稚斜自立

為單于

匈奴左右谷蠡王在左右賢王之下谷蠡音鹿恭索隱曰維持利翻斜士嗟翻鄒誕生音直牙

翻蓋推斜胡人語近得其實

攻破軍臣單于太子於單於單亡降漢

於單音丹降戶江翻

以公孫弘為御史大夫是時方通西南夷

東置蒼海北築朔方之郡公孫弘數諫以為罷散中國

以奉無用之地願罷之

數所角翻為罷讀曰疲

天子使朱買臣等



難以置朔方之便發十策弘不得一

師古曰言其利害十條弘無以應之

難乃旦翻

弘乃謝曰山東鄙人不知其便若是願罷西南夷

蒼海而專奉朔方上乃許之春罷蒼海郡弘為布被食

不重肉

言不重肉味也重音直龍翻

汲黯曰弘位在三公奉祿甚多

奉扶用翻

然為布被此詐也上問弘弘謝曰有之夫九卿與

臣善者無過黯然今日廷詰弘誠中弘之病

中竹仲翻

夫以

三公為布被與小吏無差誠飾詐欲以釣名

師古曰釣取也言若

釣魚之謂也

如汲黯言且無汲黯忠陛下安得聞此言天子

以為謙讓愈益尊之 三月赦天下 夏四月丙子封

匈奴太子於單為涉安侯數月而卒 初匈奴降者言

月氏故居敦煌祁連間為疆國

降戶江翻氏音支敦煌張掖匈奴破月氏使昆

邪王居之漢開置郡祁連山名即天山也匈奴呼天為祁連在張掖西北敦煌徒門翻匈奴冒頓攻

破之老上單于殺月氏王以其頭為飲器餘眾遁逃遠

去怨匈奴無與共擊之上募能通使月氏者

使疏吏翻

漢中

張騫以郎應募出隴西徑匈奴中單于得之留騫十餘

歲騫得間亡鄉月氏

間古覓翻鄉讀曰嚮

西走數日至大宛

西域

傳大宛國治貴山城去長安萬二千五百七十里西南至大月氏所居六百九十里宛於元翻大宛聞

漢之饒財欲通不得見騫喜為發導譯抵康居

導者引路之人

譯者傳言之人也康居國治樂越匿地到傳致大月氏卑闐城去長安萬二千三百里為子偽翻

傳張懸翻

大月氏太子為王既擊大夏分其地而居之

大夏國在

大宛西南都媯水南月氏居媯水北地肥饒少寇

少詩沼翻

殊無報胡之心騫

留歲餘竟不能得月氏要領

李奇曰要領要契也師古曰要衣要也領衣領也凡

持衣者執要與領言騫不能得月氏意趣無以持歸於漢故以要領為喻要一遙翻

乃還並南山

史記曰南山即連終南山從京南東至華山東北連延至海即中條山也從京南而西連接至蔥嶺萬餘里故

云並南山也西域傳云其南山東出金城與漢南山屬還從宣翻又如字下同並步浪翻欲從羌中

歸復為匈奴所得復扶又翻留歲餘會伊稚斜逐於單匈奴

國內亂騫乃與堂邑氏奴甘父逃歸服虔曰堂邑姓也漢人其奴名甘父

父音甫上拜騫為太中大夫甘父為奉使君騫初行時百

餘人去十三歲唯二人得還考異曰史記西南夷傳曰元狩元年張騫使大夏

來言通身毒國之利按年表騫以元朔六年二月甲辰封博望侯必非元狩元年始歸也或者元狩元年天子

始令騫通身毒國疑不能明匈奴數萬騎入塞殺代

郡太守恭代郡唐蔚州武州界及略千餘人六月庚午皇太后

崩

武帝母王太后也

秋罷西夷獨置南夷夜郎兩縣一都尉

稍令捷為自葆就

師古曰葆與保同令自保守且成其郡縣

專力城朔方

匈奴又入鴈門殺畧千餘人

是歲中大夫張湯為廷

尉湯為人多詐舞智以御人時上方鄉文學

鄉讀曰嚮

湯陽

浮慕事董仲舒公孫弘等以千乘兒寬為奏讞掾

兒本鄉姓

以國為氏其後去邑以為廷尉掾專主奏讞也兒五奚翻讞魚塞翻掾俞絹翻

以古法義決疑

獄所治即上意所欲罪與監史深禍者

班表廷尉有左右監秩千石漢

官曰廷尉獄史二十七人深禍謂持文深刻欲致人於禍者

即上意所欲釋與監史

輕平者上由是悅之湯於故人子弟調護之尤厚

師古曰調

和適之令得其所

其造請諸公

師古曰造詣至也請謂問也造七到翻

不

護謂保佑之也

避寒暑是以湯雖文深意忌不專平

文深謂持文深意忌謂其意忌前也

不專平謂不專於持平也

然得此聲譽汲黯數質責湯於上前

質對也對

面責之也或曰質正也

曰公為正卿

漢官九卿之外又有列于九卿者故

以正義責之數所角翻

謂九卿為正卿

上不能褒先帝之功業下不能抑天下之邪心

安國富民使囹圄空虛何空取高皇帝約束紛更之為

師古曰言何為乃紛亂

而公以此無種矣

言當誅及子孫種章勇翻

而改更也更工衡翻

黯時與湯論議湯辯常在文深小苛黯伉厲守高

伉口浪翻

健也高也厲嚴也

不能屈忿發罵曰天下謂刀筆吏不可以為

公卿果然必湯也令天下重足而立

累足而立懼之甚也重直龍翻

側

目而視矣

四年冬上行幸甘泉

夏匈奴入代郡定襄上郡

唐上郡

綏銀之地高祖置定襄郡括地志定襄故城在朔州善陽縣北三百八十里

各三萬騎殺略

數千人

資治通鑑卷十八





總校官庶吉士臣侍朝

校對官修撰臣張書勲

謄錄舉人臣彭希韓

謄錄監生臣朱溥